

維摩詰所說經 一名不可思議解脫意 在

毗婆沙三藏鳩摩羅什譯

佛國品第一

如是我聞一時佛在毗耶離菴羅樹園與大比丘眾八千人俱菩薩三萬二千眾所知識大智本行皆悉成就諸佛威神之所建立為護法城受持正法能師子吼名聞十方眾人不講友而安之紹隆三寶能使不絕降伏魔怨制諸外道悉已清淨永離蓋纏心常安住無尋解脫念定持持辯才不斷布施持戒忍辱精進禪定智慧及方便力無不具足遠無所得不起法忍已能隨順轉不退輪善解法相知眾生根蓋諸大眾得無所畏功德智慧以修其心相好嚴身色像第一捨諸世間所有飾好名稱高遠踰於須彌深信堅固猶若金剛法寶普照而雨甘露於眾言音微妙第一深入緣起斷諸邪見有無二邊無復餘習演法無畏猶師子吼其所講說乃如雷震無有量已過量集眾法寶如海導

維摩經卷上 第三段 在

師了達諸法深妙之義善知眾生性來所趣及心所行近無等等佛自在慧十力無畏十八不共關閉一切諸惡趣門而生五道以現其身為大醫王善療眾病應病與藥今得服行無量功德皆成就無量佛土皆嚴淨其見聞者無不蒙益諸有所作亦不唐捐如是一切功德皆悉具足

其名曰等觀菩薩不等觀菩薩等不等觀菩薩定自在王菩薩法自在王菩薩法相菩薩光相菩薩光嚴菩薩大嚴菩薩寶積菩薩辯積菩薩寶手菩薩寶印手菩薩常舉手菩薩常下菩薩常慘菩薩喜根菩薩喜王菩薩辯音菩薩虛空藏菩薩執寶炬菩薩寶勇菩薩寶見菩薩帝網菩薩明網菩薩無緣觀菩薩慧積菩薩寶勝菩薩天王菩薩棟魔菩薩電德菩薩自在王菩薩功德相嚴菩薩師子吼菩薩雷音菩薩山相擊音菩薩香鳥菩薩白香鳥菩薩常精進菩薩不休菩薩妙生菩薩華嚴菩薩觀世音菩薩得大勢菩薩梵網菩薩寶杖菩

維摩經卷上 第三段 在

薩無勝菩薩嚴土菩薩金髻菩薩殊髻菩薩弥勒菩薩文殊師利法王子菩薩如是等三萬二千人

復有万梵天王尸棄等從餘四天下來詣佛所而聽法復有萬二千天帝亦從餘四天下來在會坐并餘大威力諸天龍神夜叉乳闍婆阿脩羅迦樓羅緊那羅摩睺羅伽等悉來會坐諸比丘比丘尼優婆塞優婆夷俱來會坐彼時佛與無量百千之眾恭敬圍繞而為說法辭如須彌山王顯于大海安處眾寶師子之座救於一切諸來大眾

尔時毗耶離城有長者子名曰寶積與五百長者子俱持七寶蓋來詣佛所頭面礼足各以其蓋共供養佛佛之威神令諸寶蓋合成一蓋遍覆三千大千世界而此世界廣長之相悉於中現又此三千大千世界諸須彌山雪山目真隣陀山摩訶目真隣陀山香山寶山金山黑山鐵圍山大鐵圍山大海江河川流泉源及日月星辰天宮龍宮諸尊神宮志現於寶蓋

中又十方諸佛諸佛說法亦現於寶蓋中亦時一切大眾觀佛神力歎未曾有合掌禮佛瞻仰尊顏目不暫捨於是長者子寶積即於佛前以偈頌曰

目淨脩廣如青蓮 心淨已度諸禪定
 次積淨業稱無量 導眾以寂故稽首
 既見大聖以神變 普現十方無量土
 其中諸佛演說法 於是一切悲見聞
 法王法力超群生 常以法財施一切
 能善分別諸法相 於第一義而不動
 已於諸法得自在 是故稽首此法王
 說法不有亦不無 以因緣故諸法生
 無我無造無受者 善惡之業亦不亡
 始在佛樹力降魔 得甘露滅覺道成
 已無心意無受行 而悲摧伏諸外道
 三轉法輪於大千 其輪本來常清淨
 天人得道此為證 三寶於是現世間
 以斯妙法濟群生 一受不退常寂然
 度老病死大醫王 當礼法海德無邊
 毀譽不動如須弥 於善不善等以慈
 心行平等如虛空 孰聞人寶不敬承
 今奉世尊此微蓋 於中現我三千界
 諸天龍神所居宮 軌闍婆等及夜叉

志見世間諸所有 十力哀現是化變
 眾觀希有皆歎佛 今我稽首三界尊
 大聖法王眾所歸 淨心觀佛靡不欣
 各見世尊在其前 斯則神力不共法
 佛以一音演說法 眾生隨類各得解
 皆謂世尊同其語 斯則神力不共法
 佛以一音演說法 眾生各各隨所解
 皆得受行獲其利 斯則神力不共法
 佛以一音演說法 或有恐畏或歡喜
 或生默離或斷疑 斯則神力不共法
 稽首十力大精進 稽首已得無所畏
 稽首住於不共法 稽首一切大導師
 稽首能斷眾結縛 稽首已到於彼岸
 稽首能度諸世間 稽首永離生死道
 悲知眾生來去相 善於諸法得解脫
 不著世間如蓮華 常善入於空寂行
 達諸法相無罣碍 稽首如空無所依
 尔時長者子寶積說此偈已白佛言
 世尊是五百長者子皆已發阿耨多
 羅三藐三菩提心願聞得佛國土清
 淨唯願世尊說諸菩薩淨土之行佛
 言善哉寶積乃能為諸菩薩問於如
 來淨土之行諦聽諦聽善思念之當

為汝說於是寶積及五百長者子受
 教而聽佛言寶積眾生之類是菩薩
 佛土所以者何菩薩隨所化眾生而
 取佛土隨所調伏眾生而取佛土隨
 諸眾生應以何國入佛智慧而取佛
 土隨諸眾生應以何國起菩薩根而
 取佛土所以者何菩薩取於淨國皆
 為饒益諸眾生成故譬如有人欲於空
 地造立宮室隨意無碍若於虛空終
 不能成菩薩如是為成就眾生故願
 取佛國願取佛國者非於空也寶積
 當知直心是菩薩淨土菩薩成佛時
 不諂眾生來生其國深心是菩薩淨
 土菩薩成佛時具足功德眾生來生
 其國菩提心是菩薩淨土菩薩成佛
 時大乘眾生來生其國布施是菩薩
 淨土菩薩成佛時一切能捨眾生來
 生其國持戒是菩薩淨土菩薩成佛
 時行十善道滿願眾生來生其國忍
 辱是菩薩淨土菩薩成佛時三十二
 相莊嚴眾生來生其國精進是菩薩
 淨土菩薩成佛時勤修一切功德眾
 生來生其國禪定是菩薩淨土菩薩

維摩經卷上 第七在
成佛時攝心不乱衆生來生其國智慧是菩薩淨土菩薩成佛時正定衆生來生其國四無量心是菩薩淨土菩薩成佛時成就慈悲喜捨衆生來生其國四攝法是菩薩淨土菩薩成佛時解脫所攝衆生來生其國方便是菩薩淨土菩薩成佛時於一切法方便無尋衆生來生其國三十七道品是菩薩淨土菩薩成佛時念處正勤神足根力覺道衆生來生其國迴向心是菩薩淨土菩薩成佛時得一切具足功德國土說除八難是菩薩淨土菩薩成佛時國土無有三惡八難自守戒行不譏彼闕是菩薩淨土菩薩成佛時國土無有犯禁之名十善是菩薩淨土菩薩成佛時命不中天大富梵行所言誠諦常以軟語眷屬不離善和諍訟言必饒益不嫉不恚正見衆生來生其國如是實積菩薩隨其直心則能發行隨其發行則得深心隨其深心則意調伏隨意調伏則如說行隨如說行則能迴向隨其迴向則有方便隨其方便則成就

維摩經卷上 第八在
衆生隨成就衆生則佛土淨隨佛土淨則說法淨隨說法淨則智慧淨隨智慧淨則其心淨隨其心淨則一切功德淨是故實積若菩薩欲得淨土當淨其心隨其心淨則佛土淨
爾時舍利弗承佛威神作是念若菩薩心淨則佛土淨者我世尊本為菩薩時意豈不淨而是佛土不淨若此佛知其念即告之言於意云何日月豈不淨耶而盲者不見對曰不也世尊是盲者過非日月各舍利弗衆生罪故不見如來佛土嚴淨非如來各舍利弗我此土淨而汝不見爾時螺髻梵王語舍利弗勿作是意謂此佛土以為不淨所以者何我見釋迦牟尼佛土清淨辟如自在天宮舍利弗言我見此土丘陵坑坎荆棘沙磧土石諸山穢惡充滿螺髻梵言仁者心有高下不依佛慧故見此土為不淨耳舍利弗菩薩於一切衆生悉皆平等深心清淨依佛智慧則能見此佛土清淨於是佛以足指按地即時三千大千世界若千大千寶嚴飾辟

維摩經卷上 第九在
如實莊嚴佛無量功德實莊嚴土一切大衆歎未曾有而皆自見坐寶蓮華佛告舍利弗汝且觀是佛土嚴淨舍利弗言唯然世尊本所不見本所不聞今佛國土嚴淨現佛語舍利弗我佛國土常淨若此為欲度斯下劣人故示是衆惡不淨土耳譬如諸天共寶器食隨其福德飯色有異如是舍利弗若人心淨便見此土功德莊嚴當佛現此國土嚴淨之時寶積所將五百長者子皆得無生法忍八萬四千人皆發阿耨多羅三藐三菩提心佛攝神足於是世界還復如故求聲聞乘三萬二千人及人知有為法皆悉無常遠塵離垢得法眼淨八千比丘不受諸法漏盡意解
維摩詰所說經方便品第二
爾時毗耶離大城中有長者名維摩詰已曾供養無量諸佛深植善本得無生忍辯才無尋遊戲神通逮諸持獲無所畏降魔勞怨入深法門善於智度通達方便大願成就明了衆生心之所趣又能分別諸根利鈍久於

佛道心已結淑決定大乘諸有所作
能善思量住佛威儀心大如海諸佛
咨嗟弟子釋梵世主所敬欲度人故
以善方便居毗耶離資財無量攝諸
貧民奉戒清淨攝諸毀禁以忍調行
攝諸恚怒以大精進攝諸懈怠一心
禪寂攝諸亂意以決定慧攝諸無智
雖為白衣奉持沙門清淨律行雖處
居家不著三界亦有妻子常修梵行
現有眷屬常樂遠離雖服寶飾而以
相好嚴身雖復飲食而以禪悅為味
若至博奕戲處輒以度人受諸異道
不毀正信雖明世典常樂佛法一切
見敬為供養中軍執持正法攝諸長
幼一切治生諧偶雖獲俗利不以喜
悅遊諸四衢饒益眾生入治政法殺
護一切入講論廣導以大乘入諸學
堂訪開童蒙入諸婬舍示欲之過入
諸酒肆能立其志若在長者長者中
尊為說勝法若在居士居士中尊斷
其貪著若在刹利刹利中尊教以忍
辱若在婆羅門婆羅門中尊除其我
慢若在大臣大臣中尊教以正法若在

王子王子中尊亦以忠孝若在內官
內官中尊化政宮女若在庶民庶民
中尊令與福力若在梵天梵天中尊
誨以勝慧若在帝釋帝釋中尊亦現
無常若在護世護世中尊護諸眾生
長者維摩詰以如是等無量方便饒
益眾生其以方便現身有疾以其疾
故國王大臣長者居士婆羅門等及
諸王子并餘官屬無數千人皆往問
疾其往者維摩詰因以身疾廣為說
法諸仁者是身無常無強無力無堅
速朽之法不可信也為苦為惱眾病
所集諸仁者如此身明智者所不怙
是身如聚沫不可揀摩是身如泡不
得久立是身如炎從渴愛生是身如
芭蕉中無有堅是身如幻從顛倒起
是身如夢為虛妄見是身如影從業
緣現是身如響屬諸因緣是身如浮
雲須臾變滅是身如電念念不住是
身無主為如地是身無我為如火是
身無壽為如風是身無人為如水是
身不實四大為家是身為空離我我
所是身無知如草木瓦礫是身無作

風力所轉是身不淨穢惡充滿是身
為虛偽雖假以淨浴衣食必歸磨滅
是身為空百一病惱是身如丘井為
老所逼是身無定為要當死是身如
毒蛇如怨賊如空聚陰界諸入所共
合成諸仁者此可患厭當樂佛身所
以者何佛身者即法身也從無量功
德智慧生從戒定慧解脫解脫知見
生從慈悲喜捨生從布施持戒忍辱
柔和勤行精進禪定解脫三昧多聞智
慧諸波羅蜜生從方便生從六通生
從三明生從三十七道品生從止觀生
從十力四無所畏十八不共法生從
斷一切不善法集一切善法生從真
實生從不放逸生從如是無量清淨
法生如來身諸仁者欲得佛身斷一
切眾生病者當發阿耨多羅三藐三
菩提心如是長者維摩詰為諸問疾
者如應說法令無數千人皆發阿耨
多羅三藐三菩提心
維摩詰所說經弟子品第三
爾時長者維摩詰自念寢疾于床世
尊大慈寧不垂愍佛知其意即告舍

維摩經卷上 第七

利弗汝行詣維摩詰問疾舍利弗白
 佛言世尊我不堪任詣彼問疾所以
 者何憶念我昔曾於林中宴坐樹下
 時維摩詰來謂我言唯舍利弗不必
 是坐為宴坐也夫宴坐者不於三界
 現身意是為宴坐不起滅定而現諸
 威儀是為宴坐不捨道法而現凡夫
 事是為宴坐心不住內亦不在外是
 為宴坐於諸見不動而修行三十七
 品是為宴坐不斷煩惱而入涅槃是
 為宴坐若能如是坐者佛所印可時
 我世尊聞說是語嘿然而止不能加
 報故我不任詣彼問疾
 佛告大目犍連汝行詣維摩詰問疾
 目連白佛言世尊我不堪任詣彼問
 疾所以者何憶念我昔入毗耶離大
 城於里巷中為諸居士說法時維摩
 詰來謂我言唯大目連為白衣居士
 說法不當如仁者所說夫說法者當
 如法說法無眾生離眾生垢故法無
 有我離我垢故法無壽命離生死故
 法無有人前後際斷故法常寂然滅
 諸相故法離於相無所緣故法無名

維摩經卷上 第七

字言語斷故法無有說離覺觀故法
 無形相如虛空故法無戲論畢竟空
 故法無我所離我所故法無分別離
 諸識故法無有比無相待故法不屬
 因不在緣故法同法性入諸法故法
 隨於如無所隨故法住實際諸邊不
 動故法無動搖不依六塵故法無去
 來常不住故法順空隨無相應無作
 法離好醜法無增損法無生滅法無
 所歸法過眼耳鼻舌身心法無高下
 法常住不動法離一切觀行離大目
 連法相如是豈可說乎夫說法者無
 說無示其聽法者無聞無得辟如幻
 士為幻人說法當建是意而為說法
 當了眾生根有利鈍善於知見無所
 罣碍以大悲心讚于大乘念報佛恩
 不斷三寶然後說法維摩詰說是法
 時八百居士發阿耨多羅三藐三菩
 提心我無此辯是故不任詣彼問疾
 佛告大迦葉汝行詣維摩詰問疾迦
 葉白佛言世尊我不堪任詣彼問疾
 所以者何憶念我昔於貧里而行乞
 時維摩詰來謂我言唯大迦葉有慈

維摩經卷上 第七

悲心而不能普捨豪富從貧乞迦葉
 住平等法應次行乞食為不食故應
 行乞食為壞和合相故應取搗食為
 不受故應受彼食以空聚想入於罪
 落所見色與盲等所聞聲與聾等所
 嗅香與風等所食味不分別受諸觸
 如智證知諸法如幻相無自性無他
 性本自不然今則無滅迦葉若能不
 捨八邪入八解脫以邪和入正法以
 一食施一切供養諸佛及眾賢聖然
 後可食如是食者非有煩惱非離煩
 惱非入定意非起定意非住世間非
 住涅槃其有施者無大福無小福不
 為益不為損是為正入佛道不依聲
 聞迦葉若如是食為不空食人之施
 也時我世尊聞說是語得未曾有即
 於一切菩薩深起敬心復作是念斯
 有家名辯才智慧乃能如是其誰
 聞此不發阿耨多羅三藐三菩提心
 我從是來不復勸人以聲聞辟支佛
 行是故不任詣彼問疾
 佛告須菩提汝行詣維摩詰問疾須
 菩提白佛言世尊我不堪任詣彼問

疾所以者何憶念我昔入其舍從乞食時維摩詰取我鉢盛滿飯謂我言唯須菩提若能於食等者諸法亦等諸法等者於食亦等如是行乞乃可取食若須菩提不斷煙怒癡亦不與俱不壞於身而隨一相不滅癡愛起於明脫以五逆相而得解脫亦不解不縛不見四諦非不見諦非得果非不得果非凡夫非離凡夫法非聖人非不聖人雖成就一切法而離諸法相乃可取食若須菩提不見佛不聞法彼外道六師富蘭那迦葉末伽梨拘路梨子刪闍夜毗羅脰子阿耆多翅舍欽婆羅迦羅鳩駄迦旃延尼捷陀若提子等是汝之師因其出家彼師所墮汝亦隨墮乃可取食若須菩提入諸邪見不到彼岸住於八難不得無難同於煩惱離清淨法汝得無諍三昧一切眾生亦得是定其施汝者不名福田供養汝者墮三惡道為與眾魔共一手作諸勞侶汝與眾魔及諸塵勞等無有異於一切眾生而有慈心謗諸佛毀於法不入眾數終不得滅度

汝若如是乃可取食時我世尊聞此語茫然不識是何言不知以何答便置鉢欲出其舍維摩詰言唯須菩提提取鉢勿懼於意去何如來所作化人若以是事詰寧有懼不我言不也維摩詰言一切諸法如幻化相汝今不應有所懼也所以者何一切言說不離是相至於智者不著文字故無所懼何以故文字性離無有文字是則解脫解脫相者則諸法也維摩詰說是法時二百天子得法眼淨故我不任詰彼問疾

佛告富樓那彌多羅尼子汝行詣維摩詰問疾富樓那白佛言世尊我不堪任詰彼問疾所以者何憶念我昔於大林中在一樹下為諸新學比丘說法時維摩詰來謂我言唯富樓那先當入定觀此人心然後說法無以穢食置於寶器當知是比丘心之所念無以琉璃同彼水精汝不能知眾生根源無得發起以小乘法彼自無瘡勿傷之也欲行大道莫示小徑無以大海內於牛跡無以日光等彼瑩

火富樓那此比丘久發大乘心中忘此意如何以小乘法而教導之我觀小乘智慧微薄猶如盲人不能分別一切眾生根之利鈍時維摩詰即入三昧令此比丘自識宿命曾於五百佛所植眾德本迴向阿耨多羅三藐三菩提即時豁然還得本心於是諸比丘稽首禮維摩詰足時維摩詰因為說法於阿耨多羅三藐三菩提不復退轉我念聲聞不觀人根不應說法是故不任詰彼問疾

佛告摩訶迦旃延汝行詣維摩詰問疾迦旃延白佛言世尊我不堪任詰彼問疾所以者何憶念昔者佛為諸比丘略說法要我即於後敷演其義謂無常義苦義空義無我義寂滅義時維摩詰來謂我言唯迦旃延無以生滅心行說實相法迦旃延諸法畢竟不生不滅是無常義五受陰洞達空無所起是苦義諸法究竟無所有是空義於我無我而二是我無我義法本不然今則無滅是寂滅義說是法時彼諸比丘心得解脫故我不任

詣彼問疾

維摩經卷上 第十九張在

佛告阿那律汝行詣維摩詰問疾阿那律白佛言世尊我不堪任詣彼問疾所以者何憶念我昔於一處經行時有梵王名曰嚴淨與萬梵俱放淨光明來詣我所稽首作禮問我言幾何阿那律天眼所見我即答言仁者吾見此釋迦牟尼佛土三千大千世界如觀掌中菴摩勒果時維摩詰來謂我言唯阿那律天眼所見為作相耶無作相耶假使作相則與外道五通等若無作相即是無為不應有見世尊我時嘿然彼諸梵聞其言得未曾有即為作禮而問曰世孰有真天眼者維摩詰言有佛世尊得真天眼常在三昧悉見諸佛國不以二相於是嚴淨梵王及其眷屬五百梵天皆發阿耨多羅三藐三菩提心禮維摩詰足已忽然不現故我不任詣彼問疾佛告優波離汝行詣維摩詰問疾優波離白佛言世尊我不堪任詣彼問疾所以者何憶念昔者有二比丘犯律行以為耻不敢問佛來問我言唯

優波離我等犯律誠以為耻不敢問

維摩經卷上 第二十張在

佛願解疑悔得免斯咎我即為其如法解說時維摩詰來謂我言唯優波離無重增此二比丘罪當直除滅勿擾其心所以者何彼罪性不在內不在外不在中間如佛所說心垢故眾生垢心淨故眾生淨心亦不在內不在外不在中間如其心然罪垢亦然諸法亦然不出於如如優波離以心相得解脫時寧有垢不我言不也維摩詰言一切眾生心相無垢亦復如是唯優波離妄想是垢無妄想是淨顛倒是垢無顛倒是淨取我是垢不取我是淨優波離一切法生滅不住如幻如電諸法不相待乃至一念不住諸法皆妄見如夢如炎如水中月如鏡中像以妄想生其知此者是名奉律其知此者是名善解於是二比丘言上智哉是優波離所不能及持律之上而不能說我即答言自捨如來未

是願言今一切眾生皆得是辯故我不任詣彼問疾

維摩經卷上 第二十二張在

佛告羅睺羅汝行詣維摩詰問疾羅睺羅白佛言世尊我不堪任詣彼問疾所以者何憶念昔時毗耶離諸長者子來詣我所稽首作禮問我言唯羅睺羅汝佛之子捨轉輪王位出家為道其出家者有何等利我即如法為說出家功德之利時維摩詰來謂我言唯羅睺羅不應說出家功德之利所以者何無利無功德是為出家有為法者可說有利有功德夫出家者為無為法無為法中無利無功德羅睺羅出家者無彼無此亦無中間離六十二見處於涅槃智者所受聖所行處降伏眾魔度五道淨五眼得五力立五根不惱於彼離眾雜惡摧諸外道超越假名出淤泥無繫著無我所無所受無擾亂內懷喜護彼意隨禪定離眾過若能如是是真出家於是維摩詰語諸長者子女等於正法中宜共出家所以者何佛世難值諸長者子言居士我聞佛言父母不

聽不得出家維摩詰言然汝等便發
阿耨多羅三藐三菩提心是即出家
是即具足今時三十二長者子皆發
阿耨多羅三藐三菩提心故我不任
誦彼問疾

佛告阿難汝行誦維摩詰問疾阿難
白佛言世尊我不堪任誦彼問疾所
以者何憶念昔時世尊身小有疾當
用牛乳我即持鉢詣大婆羅門家門
下立時維摩詰來謂我言唯阿難何
為晨朝持鉢住此我言居士世尊身
小有疾當用牛乳故來至此維摩詰
言止止阿難莫作是語如來身者金
剛之體諸惡已斷眾善普會當有何
疾當有何惱嘿往阿難勿謗如來莫
使異人聞此危言無令大威德諸天
及他方淨土諸來菩薩得聞斯語阿
難轉輪聖王以少福故尚得無病豈
况如來無量福會普勝者哉行矣阿
難勿使我等受斯耻也外道梵志若
聞此語當作是念何名為師自疾不
能救而能救諸疾仁可密速去勿使
人聞當知阿難諸如來身即是法身

非思欲身佛為世尊過於三界佛身
無漏諸漏已盡佛身無為不墮諸數如
此之身當有何疾當有何惱時我世尊
實懷慙愧得無近佛而謬聽耶即聞空
中聲曰阿難如居士言但為佛出五濁
惡世現行斯法度脫眾生行矣阿難
取乳勿慚世尊維摩詰智慧辯才為
若此也是故不任誦彼問疾如是五
百大弟子各各向佛說其本緣稱述
維摩詰所言皆曰不任誦彼問疾
維摩詰所說經菩薩品第四

於是佛告弥勒菩薩汝行誦維摩詰
問疾弥勒白佛言世尊我不堪任誦
彼問疾所以者何憶念我昔為兜率
天王及其眷屬說不退轉地之行時
維摩詰來謂我言弥勒世尊授仁者記
一生當得阿耨多羅三藐三菩提為
用何生得受記乎過去耶未來耶現
在耶若過去生過去生已滅若未來
生未來生未至若現在生現在生無
住如佛所說比丘汝今即時亦生亦
老亦滅若以無生得受記者無生即
是正位於正位中亦無受記亦無得

阿耨多羅三藐三菩提云何弥勒受
一生記乎為從如生得受記耶為從
如滅得受記耶若以如生得受記者
如無有生若以如滅得受記者如無
有滅一切眾生皆如也一切法亦如
也眾聖賢亦如也至於弥勒亦如也
若弥勒得受記者一切眾生亦應受
記所以者何夫如者不二不異若弥
勒得阿耨多羅三藐三菩提者一切
眾生皆亦應得所以者何一切眾生
即菩提相若弥勒得滅度者一切眾
生亦應滅度所以者何諸佛知一切
眾生畢竟寂滅即涅槃相不復更滅
是故弥勒無以此法誘諸天子實無
發阿耨多羅三藐三菩提心者亦無
退者弥勒當令此諸天子捨於分別
菩提之見所以者何菩提者不可以
身得不可以心得寂滅是菩提滅諸
相故不觀是菩提離諸緣故不行是
菩提無憶念故斷是菩提捨諸見故
離是菩提離諸妄想故障是菩提障
諸願故不入是菩提無貪著故順是
菩提順於如故住是菩提住法性故

維摩經卷上 第二十五

至是菩提至實際故不二是菩提離
 意法故等是菩提等虛空故無為是
 菩提無生住滅故知是菩提了眾生
 心行故不會是菩提諸入不會故不
 合是菩提離煩惱習故無憂是菩提
 無形色故假名是菩提名字空故如
 化是菩提無取捨故無亂是菩提常
 自靜故善寂是菩提性清淨故無取
 是菩提離攀緣故無異是菩提諸法
 等故無比是菩提無可喻故微妙是
 菩提諸法難知故世尊維摩詰說是
 法時二百天子得無生法忍故我不
 任詣彼問疾

佛告光嚴童子汝行詣維摩詰問疾
 光嚴白佛言世尊我不堪任詣彼問
 疾所以者何憶念我昔出毗耶離大
 城時維摩詰方入城我即為作禮而
 問言居士從何所來答我言吾從道
 場來我問道場者何所是答曰直心
 是道場無虛假故發行是道場能辦
 事故深心是道場增益功德故菩提
 心是道場無錯謬故布施是道場不
 望報故持戒是道場得願具忍辱

維摩經卷上 第二十六

是道場於諸眾生心無尋故精進是道
 場不懈退故禪定是道場心調柔故
 智慧是道場現見諸法故慈是道場
 等眾生故悲是道場忍疲苦故喜是
 道場悅樂法故捨是道場憎愛斷故
 神通是道場成就六通故解脫是道
 場能背捨故方便是道場教化眾生
 故四攝是道場攝眾生故多聞是道
 場如聞行故伏心是道場正觀諸法
 故三十七品是道場捨有為法故諦
 是道場不誑世間故緣起是道場無
 明乃至老死皆無盡故諸煩惱是道
 場知如實故眾生是道場知無我故
 一切法是道場知諸法空故降魔是
 道場不傾動故三界是道場無所趣
 故阿耨多羅三藐三菩提是道場無
 不共法是道場無諸過故三明是道
 場無餘身故一念知一切法是道場
 成就一切智故如是善男子菩薩若
 應諸波羅蜜教化眾生諸有所作舉
 足下足當知皆從道場來住於佛法
 矣說是法時五百天人皆發阿耨多
 羅三藐三菩提心故我不任詣彼問疾

維摩經卷上 第二十七

佛告持世菩薩汝行詣維摩詰問疾
 持世白佛言世尊我不堪任詣彼問
 疾所以者何憶念我昔住於靜室時
 魔波旬從乃二千天女狀如帝釋鼓
 樂歌來詣我所與其眷屬稽首我
 足合掌恭敬於一面立我意謂是帝
 釋而語之言善來憐尸迦雖爾應有
 不當自恣當觀五欲無常以求善本
 於身命財而修堅法即語我言正士
 受是乃二千天女可備掃灑我言憐
 尸迦無以此非法之物要我沙門釋
 子此非我宜所言未訖時維摩詰來
 謂我言非帝釋也是為魔來嬖固汝
 耳即語魔言是諸女等可以與我如
 我應受魔即驚懼念維摩詰將無惱
 我欲隱形去而不能隱盡其神力亦
 不得去即聞空中聲曰汝等與我
 之乃可得去魔以畏故悅仰而與介
 時維摩詰語諸女言魔以汝等與我
 今汝皆當發阿耨多羅三藐三菩提
 心即隨所應而為說法令發道意復
 言汝等已發道意有法樂可以自娛
 不應復樂五欲樂也天女即問何謂

法樂咨言樂常信佛樂欲聽法樂供養眾樂離五欲樂觀五陰如空賊樂觀四大如毒蛇樂觀內入如空聚樂隨護道意樂饒益眾生樂敬養師樂廣行施樂堅持戒樂忍辱柔和樂勤集善根樂禪定不亂樂離垢明慧樂廣菩提心樂降伏眾魔樂斷諸煩惱樂淨佛國土樂成就相好故修諸功德樂嚴道場樂聞深法不畏樂三脫門不樂非時樂近同學樂於非同學中心無志導樂將護忍知識樂親近善知識樂心喜清淨樂修無量道品之法是為菩薩法樂於是波旬告諸女言我欲與汝俱還天宮諸女言以我等與山居士有法樂我等甚樂不復樂五欲樂也魔言居士可捨此女一切所有施於彼者是為菩薩維摩詰言我已捨矣汝便將去令一切眾生得法願具足於是諸女問維摩詰我等云何止於魔宮維摩詰言諸姊有法門名無盡燈汝等當學無盡燈者譬如一燈然百千燈冥者皆明明終不盡如是諸姊夫一菩薩開導百千

眾生令發阿耨多羅三藐三菩提心於其道意亦不減盡隨所說法而自增益一切善法故名無盡燈也汝等雖住魔宮以是無盡燈今無數天子天女發阿耨多羅三藐三菩提心者為報佛恩亦大饒益一切眾生今時天女頭面禮維摩詰足隨魔宮忽然不現世尊維摩詰有如是自在神力智慧辯才故我不任詰問諸佛告長者子善德汝行詣維摩詰問疾善德白佛言世尊我不堪任詣彼問疾所以者何憶念我昔自於父舍設大施會供養一切沙門婆羅門及諸外道貧窮下賤孤獨乞人期滿七日時維摩詰乘入會中謂我言長者子夫大施會不當如汝所設當為法施之會何用是財施會為我言居士何謂法施之會答曰法施會者無前無後一時供養一切眾生是名法施之會曰何謂也謂以菩提起於慈心以救眾生起大悲心以持正法起於喜心以攝智慧行於捨心以攝慳貪起檀波羅蜜以化犯戒起尸羅波羅蜜以無

我法起羼提波羅蜜以離身心相起毘梨耶波羅蜜以菩提相起禪波羅蜜以一切智起般若波羅蜜教化眾生而起於空不捨有為法而起無相示現受生而起無作護持正法起方便力以度眾生起四攝法以敬事一切起除憍法於身命財起三堅法於六念中起思念法於六和敬起質直心正行善法起於淨命心淨歡喜起近賢聖不憎惡人起調伏心以出家法起於深心以如說行起於多聞以無諍法起空閑處趣向佛慧起於宴坐解眾生縛起修行地以具相好及淨佛土起福德業知一切眾生心心念如應說法起於智業知一切法不取捨入一相門起於慧業斷一切煩惱一切障身一切不善法起一切善業以得一切智慧一切善法起於一切助佛法如是善男子是為法施之會若菩薩住是法施會者為大施主亦為一切世間福田世尊維摩詰說是法時婆羅門眾中二百人皆發阿耨多羅三藐三菩提心我時心得

維摩詰經卷上 第三十一張在

清淨歎未曾有稽首禮維摩詰足即
 解瓔珞價直百千以上之不肯取我
 言居士願必納受隨意所與維摩詰
 乃受瓔珞分作二分持一分施此會
 中一寂下乞人持一分奉彼難勝如
 來一切眾會皆見光明國土難勝如
 來又見珠瓔在彼佛上變成四柱寶
 臺四面嚴飾不相障蔽時維摩詰
 現神變已作是言若施主等心施一
 寂下乞人猶如如來福田之相無所
 分別等于大悲不求果報是則名曰
 具足法施城中一寂下乞人見是神
 力聞其所說皆發阿耨多羅三藐三
 菩提心故我不任詰彼問疾如是諸
 菩薩各各向佛說其本緣稱述維摩
 詰所言皆曰不任詰彼問疾
 維摩詰經卷上

壬寅歲高麗國大藏都監奉
 勅彫造

維摩詰所說經卷上

校勘記

- 一 底本，麗藏本。
- 一 八三二頁上一行經名，**資**、**磧**、**普**、**南**、**徑**、**清**作「維摩詰所說經卷上」。
- 一 **資**、**磧**、**普**、**南**夾注為「一名不可思議解脫」；**徑**、**清**夾注為「亦名不可思議解脫經」。
- 一 八三二頁上二行，**資**作「姚秦三藏法師鳩摩羅什譯」；**磧**、**普**、**南**、**徑**、**清**作「姚秦三藏法師鳩摩羅什奉詔譯」，以下各卷同。
- 一 八三二頁中五行「應病」，**石**無。
- 一 八三二頁中一四行第一三字「王」，**磧**作「生」。
- 一 八三二頁中二〇行第一〇字「音」，**石**無。
- 一 八三二頁下五行第五字「而」，**磧**、**普**、**南**、**徑**、**清**作「而為」。
- 一 八三二頁下二一行「寶山金山」，**徑**無。
- 一 八三二頁下二一行第一三字至二行第二字「大鐵圍山」，**石**無。
- 一 八三三頁上四行「於是」，諸本無。
- 一 八三三頁中一一行「十力」，**徑**作「十方」。
- 一 八三三頁下一五行「菩提」，**石**、**資**作「大乘」。
- 一 八三四頁上二一行第一三字「意」，**資**、**磧**、**普**、**南**、**徑**、**清**作「其」。
- 一 八三四頁中一二行「佛土」，**石**作「佛國」；**資**、**磧**、**普**、**南**、**徑**、**清**作「國土」。
- 一 八三四頁中一四行第一一字「意」，**磧**、**普**、**南**、**徑**、**清**作「念」。
- 一 八三四頁中一八行第一〇字「梵」，**磧**、**普**、**南**、**徑**、**清**作「梵王」。
- 一 八三四頁下五行第一二字「語」，**磧**、**普**、**南**、**徑**、**清**作「告」。
- 一 八三四頁下一二行第五字「皆」，**石**無。
- 一 八三四頁下一四行第三字「乘」，**資**、**磧**、**普**、**南**、**徑**、**清**作「乘者」。

- 一 八三四頁下一四行第八字「天」，
[磧、普、南、徑、清]作「諸天」。
- 一 八三五頁上一五行第五字「生」，
[石]作「主」。
- 一 八三五頁中九行第六字「官」，[石]
作「宮」。
- 一 八三六頁上一二行第五字「說」，
[石]無。
- 一 八三六頁上一二行首字「有」，[石]無。
- 一 八三六頁中七行「動故法無」，[石]無。
- 一 八三六頁中九行「法無增損」，[石]無。
- 一 八三六頁下一九行「聞此」，[資、
磧、普、南、徑、清]無。
- 一 八三七頁上一二行第一〇字「滿」，
[石]無。
- 一 八三七頁上七行第二字「明」，[徑、
清]作「解」。
- 一 八三七頁中一行末字「語」，[資、
磧、普、南、徑、清]無。
- 一 八三八頁上一九行第一一字「任」，
[石]作「堪任」。
- 一 八三八頁中七行「淨心」，[石]作「心」

- 淨」。
- 一 八三八頁中二〇行第八字「即」，
[資、磧、普、南、徑、清]無。
- 一 八三八頁下一四行「出家」，[資、
磧、普、南、徑、清]作「夫出家」。
- 一 八三九頁上一二行第八字「仁」，
[資、磧、普、南、徑、清]作「人」。
- 一 八三九頁中三行「當有何惱」，[資、
磧、普、南、徑、清]無。
- 一 八三九頁下一一行第八字「得」，
[石]無。
- 一 八三九頁下一二行第三字「應」，
[資、磧、普、南、徑、清]作「當」。
- 一 八三九頁下一八行「是菩提滅」，
[石]無。
- 一 八四〇頁中二行第四字「退」，[資、
磧、普、南、徑、清]作「怠」。
- 一 八四〇頁中一〇行末字「諦」，[資、
磧、普、南、徑、清]作「四諦」。
- 一 八四〇頁中二二行第九字「人」，
[資]作「子」。
- 一 八四〇頁下二〇行首字「今」，[清

- 作「令」。
- 一 八四一頁上四行第一二字「養」，
[資]作「仰」。
- 一 八四一頁上九行第三字「嚴」，[資、
南、徑、清]作「莊嚴」。
- 一 八四一頁上一一行第一三字「親」，
[石、資]無。
- 一 八四一頁中一八行「答曰」，[資、
磧、普、南、徑、清]無。
- 一 八四一頁中末行第九字「羅」，[石]無。
- 一 八四一頁下一〇行第五字「憎」，
[資、磧、普、南、徑、清]作「增」。
- 一 八四二頁上一三行第一一字「與」，
[石]作「與時」。
- 一 八四二頁上九行第五字「作」，[資、
磧、普、南、徑、清]作「又作」。
- 一 八四二頁上末行「維摩詰經」，[資、
磧、普、南、徑、清]作「維摩詰所說
經」，以下各卷同。



越城縣廣勝寺

維摩詰經文殊師利問疾品第五 卷中 在

後秦龜茲國三藏法師鳩摩什奉 詔譯

今時佛告文殊師利汝行詣維摩詰
 問疾文殊師利白佛言世尊彼上人
 者難為訓對深達實相善說法要辯
 才無滯智慧無礙一切菩薩法式悉
 知諸佛秘藏無不得入降伏眾魔遊
 戲神通其慧方便皆已得度雖然當
 承佛聖旨詣彼問疾於是眾中諸菩
 薩大弟子釋梵四天王咸作是念今
 二大士文殊師利維摩詰共談必說
 妙法即時八千菩薩五百聲聞百千
 天人皆欲隨從於是文殊師利與諸
 菩薩大弟子眾及諸天人恭勸圍繞
 入毗耶離大城今時長者維摩詰心
 念今文殊師利與大眾俱來即以神
 力空其室內除去所有及諸侍者唯
 置一牀以疾而卧文殊師利既入其
 舍見其室空無諸所有獨寢一牀時
 維摩詰言善來文殊師利不來相而
 來不見相而見文殊師利言如是居
 士若來已更不來若去已更不去所

以者何來者無所從來去者無所至
 所可見者更不可見且置是事居士
 是疾寧可忍不療治有損不至增乎
 世尊慙慙致問無量居士是疾何所
 因起其生久如當去何滅維摩詰言
 從癡有愛則我病生以一切眾生病
 是故我病若一切眾生病滅則我病
 滅所以者何菩薩為眾生故入生死
 有生死則有病若眾生得離病者則
 菩薩無復病譬如長者唯有一子其
 子得病父母亦病若子病愈父母亦
 愈菩薩如是於諸眾生愛之若子眾
 生病則菩薩病眾生病愈菩薩亦愈
 又言是疾何所因起菩薩病者以大
 悲起文殊師利言居士此室何以空
 無侍者維摩詰言諸佛國土亦復皆
 空又問以何為空答曰以空空又問
 空何用空答曰以無分別空故空又
 問空可分別耶答曰分別亦空又問
 空當於何求答曰當於六十二見中
 求又問六十二見當於何求答曰當
 於諸佛解脫中求又問諸佛解脫當
 於何求答曰當於一切眾生心行中

求又仁所問何無侍者一切衆魔及諸外道皆吾侍也所以者何衆魔者樂生死菩薩於生死而不捨外道者樂諸見菩薩於諸見而不動文殊師利言居士所疾為何等相維摩詰言我病無形不可見又問此病身合耶心合耶答曰非身合身相離故亦非心合心如幻故又問地大水大火大風大於此四大何大之病答曰是病非地大亦不離地大水火風大亦復如是而衆生病從四大起以其有病是故我病尔時文殊師利問維摩詰言菩薩應云何慰喻有疾菩薩維摩詰言說身無常不說厭離於身說身有苦不說樂於沮槃說身無我而說教導衆生說身空寂不說畢竟寂滅說悔先罪而不說入於過去以已之疾愍於彼疾當識宿世無數劫苦當念饒益一切衆生憶所修福念於淨命勿生憂惱常起精進當作醫王療治衆病菩薩應如是慰喻有疾菩薩令其歡喜文殊師利言居士有疾菩薩云何調伏其心維摩詰言有疾菩

薩應作是念今我此病皆從前世妄想顛倒諸煩惱生無有實法誰受病者所以者何四大合故假名為身四大無主身亦無我又此病起皆由著我是故於我不應生著既知病本即除我想及衆生想當起法想應作是念但以衆法合成此身起唯法起滅唯法滅又此法者各不相知起時不言我起滅時不言我滅彼有疾菩薩為滅法想當作是念此法想者亦是顛倒顛倒者即是大患我應離之云何為離離我我所云何離我我所謂離二法云何離二法謂不念內外諸法行於平等云何平等謂我等沮槃等所以者何我及沮槃此二皆空以何為空但以名字故空如此二法無決定性得是平等無有餘病唯有空病空病亦空是有疾菩薩以無所受而受諸受未具佛法亦不滅受而取證也設身有蓄念惡趣衆生起大悲心我既調伏亦當調伏一切衆生但除其病而不除法為斷病本而教導之何謂病本謂有攀緣從有攀緣則

為病本何所攀緣謂之三界云何斷攀緣以無所得若無所得則無攀緣何謂無所得謂離二見何謂二見謂內見外見是無所得文殊師利是為有疾菩薩調伏其心為斷老病死苦是菩薩甚提若不如是已所修治為無慧利辭如毒怨乃可為勇如是慧除老病死者菩薩之謂也彼有疾菩薩應復作是念如我此病非真非有衆生病亦非真非有作是觀時於諸衆生若起愛見大悲即應捨離所以者何菩薩斷除客塵煩惱而起大悲愛見悲者則於生死有疲厭心若能離此無有疲厭在在所生不為愛見之所覆也所生無縛能為衆生說法解縛如佛所說若自有縛能解彼縛無有是處若自無縛能解彼縛斯有是處是故菩薩不應起縛何謂縛何謂解貪著禪味是菩薩縛以方便生是菩薩解又無方便慧縛有方便慧解無慧方便縛有慧方便解何謂無方便慧縛謂菩薩以愛見心莊嚴佛土成就衆生於空無相無法中而

維摩經中卷 第六

維摩經中卷 第六

維摩經中卷 第六

自調伏是名無方便慧縛何謂有方便慧解謂不以愛見心莊嚴佛土成就衆生於空無相無作法中以自調伏而不疲厭是名有方便慧解何謂無慧方便縛謂菩薩住貪欲瞋恚邪見等諸煩惱而植衆德本是名無慧方便縛何謂有慧方便解謂離諸貪欲瞋恚邪見等諸煩惱而植衆德本迴向阿耨多羅三藐三菩提是名有慧方便解文殊師利彼有疾菩薩應如是觀諸法又復觀身無常苦空非我是名為慧雖身有疾常在生死饒益一切而不厭倦是名方便又復觀身身不離病病不離身是病是身非新非故是名為慧設身有疾而不永滅是名方便文殊師利有疾菩薩應如是調伏其心不住其中亦復不住不調伏心所以者何若住不調伏心是愚人法若住調伏心是聲聞法是故菩薩不當住於調伏不調伏心離此二法是菩薩行在於生死不為汙行住於涅槃不永滅度是菩薩行非凡夫行非賢聖行是菩薩行非垢行

非淨行是菩薩行雖過魔行而現降衆魔是菩薩行求一切智無非時求是菩薩行雖觀諸法不生而不入正位是菩薩行雖觀十二緣起而入諸邪見是菩薩行雖攝一切衆生而不愛著是菩薩行雖樂遠離而不依身心盡是菩薩行雖行三界而不壞法性是菩薩行雖行於空而植衆德本是菩薩行雖行無相而度衆生是菩薩行雖行無作而現受身是菩薩行雖行無起而起一切善行是菩薩行雖行六波羅蜜而遍知衆生心心數法是菩薩行雖行六通而不盡漏是菩薩行雖行四無量心而不貪著生於梵世是菩薩行雖行禪定解脫三昧而不隨禪生是菩薩行雖行四念處而不永離身受心法是菩薩行雖行四正勤而不捨身心精進是菩薩行雖行四如意足而得自在神通是菩薩行雖行五根而分別衆生諸根利鈍是菩薩行雖行五力而樂求佛十力是菩薩行雖行七覺分而分別佛之智慧是菩薩行雖行八聖道而

樂行無量佛道是菩薩行雖行止觀助道之法而不畢竟墮於寂滅是菩薩行雖行諸法不生不滅而以相好莊嚴其身是菩薩行雖現聲聞辟支佛威儀而不捨佛法是菩薩行雖隨諸法究竟淨相而隨所應為現其身是菩薩行雖觀諸佛國土永寂如空而現種種清淨佛土是菩薩行雖得佛道轉于法輪入於涅槃而不捨於菩薩之道是菩薩行說是語時文殊師利所將大衆其中八千天子皆發阿耨多羅三藐三菩提心
不思議品第六
今時舍利弗見此室中無有牀坐作是念斯諸菩薩大弟子衆當於何坐長者維摩詰知其意語舍利弗言云何仁者為法來耶求牀坐耶舍利弗言我為法來非為牀坐維摩詰言唯舍利弗夫求法者不貪軀命何況牀坐夫求法者非有色受想行識之求非有界入之求非有欲色無色之求唯舍利弗夫求法者不著佛求不著法求不著衆求夫求法者無見苦求

無斷集求無造盡證修道之求所以
 者何法無戲論若言我當見苦斷集
 證滅修道是則戲論非求法也唯舍
 利弗法名寂滅若行生滅是求生滅
 非求法也法名無染若染於法乃至
 涅槃是則染著非求法也法無行處
 若行於法是則行處非求法也法無
 取捨若取捨法是則取捨非求法也
 法無處所若著處所是則著處非求
 法也法名無相若隨相識是則求相
 非求法也法不可住若住於法是則
 住法非求法也法不可見聞覺知若
 行見聞覺知是則見聞覺知非求法
 也法名無為若行有為是求有為非
 求法也是故舍利弗若求法者於一
 切法應無所求說是語時五百天子
 於諸法中得法眼淨

尔時長者維摩詰問文殊師利仁者
 遊於無量千万億阿僧祇國何等佛
 土有好上妙功德成就師子之座文
 殊師利言居士東方度三十六恒河
 沙國有世界名須弥相其佛号須弥
 燈王今現在彼佛身長八万四千由

旬其師子座高八万四千由旬嚴飾
 第一於是長者維摩詰現神通力即
 時彼佛遣三万二千師子座高廣嚴
 淨來入維摩詰室諸菩薩大弟子釋
 梵四天王等皆所未見其室廣博悉
 包容三万二千師子座無所妨碍於
 毗耶離城及閻浮提四天下亦不迫
 迫悉見如故

尔時維摩詰語文殊師利就師子座
 與諸菩薩上人俱坐當自立身如彼
 座像其得神通菩薩即自變形為四
 万二千由旬坐師子座諸新發意菩
 薩及大弟子皆不能昇尔時維摩詰
 語舍利弗就師子座舍利弗言居士
 此座高廣吾不能昇維摩詰言唯舍
 利弗為須弥燈王如來作礼乃可得
 坐於是新發意菩薩及大弟子即為
 須弥燈王如來作礼便得坐師子座
 舍利弗言居士未曾有也如是小室
 乃容受此高廣之座於毗耶離城無
 所妨碍又於閻浮提聚落城邑及四
 天下諸天龍王鬼神宮殿亦不迫迫
 維摩詰言唯舍利弗諸佛菩薩有解

脫名不可思議若菩薩住是解脫者
 以須弥之高廣內芥子中無所增減
 須弥山王本相如故而四天王初利
 諸天不覺不知已之所入唯應度者
 乃見須弥入芥子中是名不可思議
 解脫法門又以四大海水入一毛孔
 不娆魚龍龜鼈水性之屬而彼大海
 本相如故諸龍鬼神阿修羅等不覺
 不知已之所入於此眾生亦無所娆
 又舍利弗住不可思議解脫菩薩斷
 取三千大千世界如陶家輪著右掌
 中擲過恒河沙世界之外其中眾生
 不覺不知已之所往又復還置本處
 都不使人有往來想而此世界本相
 如故又舍利弗或有眾生樂久住世
 而可度者菩薩即演七日以為一切
 令彼眾生謂之一劫或有眾生不樂
 久住而可度者菩薩即促一切以為
 七日令彼眾生謂之七日又舍利弗
 住不可思議解脫菩薩以一切佛土
 嚴飾之事集在一國示於眾生又菩
 薩以一佛土眾生置之右掌飛到十
 方遍示一切而不動本處又舍利弗

在維摩經中卷第一

十方衆生供養諸佛之具菩薩於一毛孔皆令得見又十方國土所有日月星宿於一毛孔普使見之又舍利弗十方世界所有諸風菩薩悉能吸著口中而身無損外諸樹木亦不摧折又十方世界劫盡燒時以一切火內於腹中火事如故而不為害又於下方過恒河沙等諸佛世界取一佛土舉著上方過恒河沙無數世界如持鍼鋒舉一棗菜而無所燒又舍利弗住不可思議解脫菩薩能以神通現作佛身或現辟支佛身或現聲聞身或現帝釋身或現梵王身或現世主身或現轉輪王身又十方世界所有衆聲上中下音皆能變之令作佛聲演出無常苦空無我之音及十方諸佛所說種種之法皆於其中普令得聞舍利弗我今略說菩薩不可思議解脫之方若廣說者窮劫不盡是時大迦葉聞說菩薩不可思議解脫法門歎未曾有謂舍利弗譬如有入於盲者前現衆色像非彼所見一切聲聞聞是不可思議解脫法門不能

在維摩經中卷第一

解了為若此也智者聞是其誰不發阿耨多羅三藐三菩提心我等何為永絕其根於此大乘已如敗種一切聲聞聞是不可思議解脫法門皆應號泣聲震三千大千世界一切菩薩應大歡慶頂受此法若有菩薩信解不可思議解脫法門者一切魔衆無如之何大迦葉說是語時三萬二千天子皆發阿耨多羅三藐三菩提心尔時維摩詰語大迦葉仁者十方無量阿僧祇世界中作魔王者多是住不可思議解脫菩薩以方便力教化衆生現作魔王又迦葉十方無量菩薩或有人從乞手足耳鼻頭目髓腦血肉皮骨聚落城邑妻子奴婢烏馬車乘金銀琉璃車乘馬珊瑚琥珀真珠珂貝衣服飲食如此乞者多是住不可思議解脫菩薩以方便力而往試之令其堅固所以者何住不可思議解脫菩薩有威德力故現行逼迫示諸衆生如是難事凡夫下劣無有力勢不能如是逼迫菩薩譬如龍為楚蹋非驢所堪是名住不可思議

在維摩經中卷第一

解脫菩薩智慧方便之門
觀衆生品第七
尔時文殊師利問維摩詰言菩薩云何觀於衆生維摩詰言譬如幻師見所幻人菩薩觀衆生為若此如智者見水中月如鏡中見其面像如熱時談如呼聲響如空中雲如水聚沫如水上泡如芭蕉堅如電久住如第五大如第六陰如第七情如十三入如十九界菩薩觀衆生為若此如無色界色如煇穀牙如須陀洹身見如阿那含入胎如阿羅漢三毒如得忍菩薩貪恚毀禁如佛煩惱習如盲者見色如入滅定出入息如空中鳥跡如石女兒如化人煩惱如夢所見已寤如滅度者受身如無烟之火菩薩觀衆生為若此
文殊師利言若菩薩作是觀者云何行慈維摩詰言菩薩作是觀已自念我當為衆生說如斯法是即真實慈也行寂滅慈無所生故行不熱慈無煩惱故行等之慈等三世故行無諍慈無所起故行不二慈内外不合故

行不壞慈畢竟盡故行堅固慈心無
毀故行清淨慈諸法性淨故行無邊
慈如虛空故行阿羅漢慈破結賊故
行菩薩慈安眾生故行如來慈得如
相故行佛之慈覺眾生故行自然慈
無因得故行菩提慈等一味故行無
等慈斷諸愛故行大悲慈導以大乘
故行無厭慈觀空無我故行法施慈
無遺惜故行持戒慈化毀禁故行忍
辱慈護彼我故行精進慈荷負眾生
故行禪定慈不受味故行智慧慈無
不知時故行方便慈一切示現故行
無隱慈直心清淨故行深心慈無雜
行故行無誑慈不虛假故行安樂慈
今得佛樂故菩薩之慈為若此也
文殊師利又問何謂為悲答曰菩薩
所作功德皆與一切眾生共之何謂
為喜答曰有所饒益歡喜無悔何謂
為捨答曰所作福祐無所怖望文殊
師利又問生死有畏菩薩當何所依
維摩詰言菩薩於生死畏中當依如
來功德之力文殊師利又問菩薩欲
依如來功德之力當於何住答曰菩

薩欲依如來功德力者當住度脫一
切眾生又問欲度眾生當何所除答
曰欲度眾生除其煩惱又問欲除煩
惱當何所行答曰當行正念又問云
何行於正念答曰當行不生不滅又
問何法不生何法不滅答曰不善不
生善法不滅又問善不善孰為本答
曰身為本又問身孰為本答曰欲貪
為本又問欲貪孰為本答曰虛妄分
別為本又問虛妄分別孰為本答曰
顛倒想為本又問顛倒想想孰為本答
曰無住為本又問無住孰為本答曰
無住則無本文殊師利從無住本立
一切法
時維摩詰室有一天女見諸大人聞
所說法便現其身即以天華散諸菩
薩大弟子上華至諸菩薩即皆墮落
至大弟子便著不墮一切弟子神力
去華不能令去今時天問舍利弗何
故去華答曰此華不如法是以去之
天曰勿謂此華為不如法所以者何
是華無所分別仁者自生分別想耳
若於佛法出家有所分別為不如法

若無所分別是則如法觀諸菩薩華
不著者已斷一切分別想故辭如人
畏時非人得其便如是弟子畏生死
故色聲香味觸得其便已離畏者一
切五欲無能為也結習未盡華著身
耳結習盡者華不著也舍利弗言天
止此室其已久如答曰我止此室如
昔年解脫舍利弗言止此久耶天曰
昔年解脫亦何如天舍利弗默然不
答天曰如何者舊大智而默答曰解
脫者無所言說故吾於是不知所去
天曰言說文字皆解脫相所以者何
解脫者不內不外不在兩間文字亦
不內不外不在兩間是故舍利弗無
離文字說解脫也所以者何一切諸
法是解脫相舍利弗言不復以離婬
怒癡為解脫乎天曰佛為增上慢人
說離婬怒癡為解脫耳若無增上慢
者佛說婬怒癡性即是解脫舍利弗
言善哉善哉天女汝何所得以何為
證辯乃如是天曰我無得無證故辯
如是所以者何若有得有證者即於
佛法為增上慢

維摩經中卷 第十一

維摩經中卷 第十一

維摩經中卷 第十一

舍利弗問天汝於三乘為何志求天曰以聲聞法化衆生故我為聲聞以因緣法化衆生故我為辟支佛以大悲法化衆生故我為大乘舍利弗如人入暗室林唯驥驢不與餘香如是若人此室但聞佛功德之香不樂聞聲聞辟支佛功德香也舍利弗其有釋梵四天王諸天龍鬼神等入此室者聞斯上人講說正法皆樂佛功德之香發心而出舍利弗吾止此室十有二年初不聞說聲聞辟支佛法但聞菩薩大慈大悲不可思議諸佛之法舍利弗此室常現八未曾有難得之法何等為八此室常以金色光照晝夜無異不以日月所照為明是為一未曾有難得之法此室入者不為諸垢之所惱也是為二未曾有難得之法此室常有釋梵四天王他方菩薩來會不絕是為三未曾有難得之法此室常說六波羅蜜不退轉法是為四未曾有難得之法此室常作天人第一之樂絃出無量法化之聲是為五未曾有難得之法此室有四

大藏衆寶積滿圓窮濟乏求得無盡是為六未曾有難得之法此室釋迦牟尼佛阿彌陀佛阿闍佛寶德寶藏寶月寶嚴難勝師子響一切利成如是等十方無量諸佛是上人念時即皆為來廣說諸佛秘要法說已還去是為七未曾有難得之法此室一切諸天嚴飾宮殿諸佛淨土皆於中現是為八未曾有難得之法舍利弗此室常現八未曾有難得之法誰有見斯不思議事而復樂於聲聞法乎舍利弗言汝何以不轉女身天曰我從十二年來求女人相了不可得當何所轉辭如幻師化作幻女若有人問何以不轉女身是人為正問不舍利弗言不也幻無定相當何所轉天曰一切諸法亦復如是無有定相云何乃問不轉女身即時天女以神通力變舍利弗令如天女天自化身如舍利弗而問言何以不轉女身舍利弗以天女像而答言我今不知何轉而變為女身天曰舍利弗若能轉此女身則一切女人亦當能轉如舍利弗

非女而現女身一切女人亦復如是雖現女身而非女也是故佛說一切諸法非男非女即時天女還攝神力舍利弗身還復如故天問舍利弗女身色相今何在舍利弗言女身色相無在無不在天曰一切諸法亦復如是無在無不在夫無在無不在者佛所說也舍利弗問天汝於此沒當生何所天曰佛化所生吾如彼生曰佛化所生非沒生也天曰衆生猶然無沒生也舍利弗問天汝久如當得阿耨多羅三藐三菩提天曰如舍利弗還為凡夫我乃當成阿耨多羅三藐三菩提舍利弗言我作凡夫無有是處天曰我得阿耨多羅三藐三菩提亦無是處所以者何菩提無住處是故無有得者舍利弗言今諸佛得阿耨多羅三藐三菩提已得當得今得如恒河沙皆謂何乎天曰皆以世俗文字數故說有三世非謂菩提有去來今天曰舍利弗汝得阿羅漢道耶曰無所得故而得天曰諸佛菩薩亦復如是無所

得故而得今時維摩詰語舍利弗是
天女已曾供養九十二億佛已能遊
戲菩薩神通所願具足得無生忍住
不退轉以本願故隨意能現教化眾生
佛道品第八

今時文殊師利問維摩詰言菩薩去
何通達佛道維摩詰言若菩薩行於
非道是為通達佛道又問云何菩薩
行於非道答曰若菩薩行五無間而
無惱恚至于地獄无諸罪垢至于畜
生無有无明憍慢等過至于餓鬼而
具足功德行色无色界道不以為勝
示行貪欲離諸染著示行瞋恚於諸
眾生无有恚尋示行愚癡而以智慧
調伏其心示行慳貪而捨内外所有
不惜身命示行毀禁而安住淨戒乃
至小罪猶懷大懼示行瞋恚而常慈
忍示行懈怠而勤修功德示行亂意
而常念定示行愚癡而通達世間出
世間慧示行諂為而善方便隨諸經
義示行憍慢而於眾生猶如橋梁示
行諸煩惱而心常清淨示入於魔而
順佛智慧不隨他教示入聲聞而為

眾生說未聞法示入辟支佛而成就
大悲教化眾生示入貧窮而有寶手
功德無盡示入形殘而具諸相好以
自在嚴示入下賤而生佛種性中具
諸功德示入羸劣醜陋而得無羅延
身一切眾生之所樂見示入老病而
永斷病根超越死畏示有資生而恒
觀無常實無所貪示有妻妾姝女而
常遠離五欲淤泥現於訥鈍而成就
辯才惣持無失示入邪濟而以正濟
度諸眾生現遍入諸道而斷其因緣
現於涅槃而不斷生死文殊師利菩
薩能如是行於非道是為通達佛道

於是維摩詰問文殊師利何等為如
來種文殊師利言有身為種無明有
愛為種貪恚癡為種四顛倒為種五
蓋為種六入為種七識處為種八邪
法為種九惱處為種十不善道為種
以要言之六十二見及一切煩惱皆
是佛種曰何謂也答曰若見無為入
正位者不能復發阿耨多羅三藐三
菩提心譬如高原陸地不生蓮華卑
濕淤泥乃生此華如是見無為法入

正位者終不復能生於佛法煩惱泥
中乃有眾生起佛法耳又如植種於
空終不得生糞壤之地乃能滋茂如
是入無為正位者不生佛法起於我
見如須彌山猶能發于阿耨多羅三
藐三菩提心生佛法矣是故當知一
切煩惱為如來種譬如下下巨海不
能得無價寶珠如是不入煩惱大海
則不能得一切智寶

今時大迦葉歎言善哉善哉文殊師
利快說此語誠如所言塵勞之傳為
如來種我等今者不復堪任發阿耨
多羅三藐三菩提心乃至五無間罪
猶能發意生於佛法而今我等永不
能發譬如根敗之士其於五欲不能
復利如是聲聞諸結斷者於佛法中
無所復益永不志願是故文殊師利
凡天於佛法有反復而聲聞無也所
以者何凡夫聞佛法能起無上道心
不斷三寶正使聲聞終身聞佛法力
無畏等永不能發無上道意
今時會中有菩薩名普現色身問維
摩詰言居士父母妻子親戚眷屬吏

在 維摩經下卷 第五品

民知識悉為是誰奴婢僮僕烏馬車
乘皆何所在於是維摩詰以偈答曰
智度菩薩母方便以為父一切眾導師
無不由是生法喜以為妻慈悲心為女
善心誠實男畢竟空寂舍弟子眾塵勞
隨意之所轉道品善知識由是成正覺
諸度法等侶四攝為伎女歌詠誦法言
以此為音樂憇持之園苑無漏法林樹
覺意淨妙花解脫智慧果八解之浴池
定水湛然滿布以七淨花浴此無垢人
為馬五通馳大乘以為車調御以一心
遊於八正路相具以嚴容眾好飾其姿
慚愧之上服深心為華鬘富有七財寶
教授以滋息如所說修行迴向為大利
四禪為牀座從於淨命生多聞增智慧
以為自覺音甘露法之食解脫味為漿
淨心以澡浴戒品為塗香摧滅煩惱賊
勇健無能踰降伏四種魔勝幡建道場
雖知無起滅示彼故有生悉現諸國土
如日無不見供養於十方無量億如來
諸佛及已身無有分別想雖知諸佛國
及與眾空而常修淨土教化於群生
諸有眾種類形聲及威儀無畏力菩薩

在 維摩經中卷 第五品

一時能盡現覺知眾魔事而示隨其行
以善方便智隨意皆能現或示老病死
成就諸群生了知如幻化通達無有礙
或現劫盡燒天地皆洞然眾公有常想
照令知無常無數億眾生俱來請菩薩
一時到其舍化令向佛道起善禁說術
工巧諸伎藝盡現行其事饒益諸群生
世間眾道法悉於中出家因以解人惑
而不墮邪見或作日月天梵王世界主
或時作地水或復作風火劫中有疾疫
現作諸藥草若有服之者除病消眾毒
劫中有飢饉現身作飲食先救彼飢渴
却以法語入劫中有刀兵為之起慈悲
化彼諸眾生令住無諍地若有大戰陣
立之以等力菩薩現威勢降伏使和安
一切國土中諸有地獄處輒往到于彼
勉濟其苦惱一切國土中畜生相食取
皆現生於彼為之作利益示受於五欲
亦復現行禪令魔心憤亂不能得其便
火中生蓮華是可謂希有在欲而行禪
希有亦如是或現作婬女引諸好色者
先以欲鈎牽後令入佛道或為邑中主
或作商人導國師及大臣以祐利眾生

在 維摩經中卷 第五品

諸有貧窮者現作無盡藏因以勸導之
令發菩提心我心憍慢者為現大力士
消伏諸高者令住無上道其有恐懼眾
居前而慰安先施以無畏後令發道心
或現離婬欲為五通仙人關導諸群生
令住戒忍慈見濁世者現為憍憍憍
既說可其意乃發以道心隨彼之所適
得入於佛道以善方便力皆能給足之
如是道無量所行無有涯智慧無邊際
度脫無數眾假令一切佛於無量億劫
讚歎其功德猶尚不能盡誰聞如是法
不發菩提心除彼不肖人癡冥無智者
入不二法門品第九
今時維摩詰謂眾菩薩言諸仁者云
何菩薩入不二法門各隨所樂說之
會中有菩薩名法自在說言諸仁者
生滅為二法本不生今則無滅得此
無生法忍是為入不二法門
德守菩薩曰我我所為二因有我故
便有所若無有我則無我所是為
入不二法門
不取菩薩曰受不受為二若法不受
則不可得以不可得故無取無捨無

在 維摩經中卷 第二十七

作無行是為入不二法門
德頂菩薩曰垢淨為二見垢實性則
無淨相順於滅相是為入不二法門
善宿菩薩曰是動是念為二不動則
無念無念則無分別通達此者是為
入不二法門

善眼菩薩曰一相無相為二若知一
相即是無相亦不取無相入於平等
是為入不二法門

妙臂菩薩曰菩薩心聲聞心為二觀
心相空如幻化者無菩薩心無聲聞
心是為入不二法門

弗沙菩薩曰善不善為二若不起善
不善入無相際而通達者是為入不
二法門

師子菩薩曰罪福為二若達罪性則
與福無異以金剛慧決了此相無縛
無解者是為入不二法門

師子意菩薩曰有漏無漏為二若得
諸法等則不起漏不漏想不著於相
亦不住無相是為入不二法門

淨解菩薩曰有為無為為二若離一
切數則心如虛空以清淨慧無所礙

在 維摩經中卷 第二十八

者是為入不二法門
那羅延菩薩曰世間出世間為二世
間性空即是出世間於其中不入不
出不溢不散是為入不二法門

善意菩薩曰生死涅槃為二若見生
死性則無生死無縛無解不生不滅
如是解者是為入不二法門

現見菩薩曰盡不盡為二法若究竟
盡若不盡皆是無盡相無盡相即是
空空則無有盡不盡相如是入者是
為入不二法門

普守菩薩曰我無我為二我尚不可
得非我何可得見我實性者不復起
二是為入不二法門

雷天菩薩曰明無明為二無明實性
即是明明亦不可取離一切數於其
中平等無二者是為入不二法門

喜見菩薩曰色色空為二色即是空
非色滅空色性自空如是受想行識
識空為二識即是空非識滅空識性
自空於其中而通達者是為入不二
法門

明相菩薩曰四種異空種異為二四

在 維摩經中卷 第二十九

種性即是空種性如前際後際空故
中際亦空若能如是知諸種性者是
為入不二法門

妙意菩薩曰眼色為二若知眼性於
色不貪不恚不癡是名寂滅如是耳
聲鼻舌香味身觸意法為二若知意
性於法不貪不恚不癡是名寂滅安
住其中是為入不二法門

無盡意菩薩曰布施迴向一切智為
二布施性即是迴向一切智性如是
持戒忍辱精進禪定智慧迴向一切
智為二智慧性即是迴向一切智性
於其中入一相者是為入不二法門

深慧菩薩曰是空是無相是無作為
二空即無相無相即無作若空無相
無作則無心意識於一解脫門即是
三解脫門者是為入不二法門

寂根菩薩曰佛法眾為二佛即是法
法即是眾是三寶皆無為相與虛空
等一切法亦亦能隨此行者是為入
不二法門

心無礙菩薩曰身身滅為二身即是
身滅所以者何見身實相者不起見

在 維摩經中卷 第三十段

身及見滅身身與滅身無二無分別於其中不驚不懼者是為入不二法門上善菩薩曰身口意善為二是三業皆無作相身無作相即口無作相口無作相即意無作相是三業無作相即一切法無作相能如是隨無作慧者是為入不二法門

福田菩薩曰福行罪行不動行為二三行實性即是空空則無福行無罪行無不動行於此三行而不起者是為入不二法門

華嚴菩薩曰從我起二為二見我實相者不起二法若不住二法則無有識無所識者是為入不二法門德藏菩薩曰有所得相為二若無所得則無取捨無取捨者是為入不二法門

月上菩薩曰闇與明為二無闇無明則無有二所以者何如入滅受想定無闇無明一切法相亦復如是於其中平等入者是為入不二法門寶印手菩薩曰樂涅槃不樂世間為二若不樂涅槃不厭世間則無有二

在 維摩經中卷 第三十二段

所以者何若有縛則有解若本無縛其誰求解無縛無解則無樂厭是為入不二法門

珠頂王菩薩曰正道邪道為二住正道者則不分別是邪是正離此二者是為入不二法門

樂實菩薩曰實不實為二實見者尚不見實何況非實所以者何非肉眼所見慧眼乃能見而此慧眼無見無不見是為入不二法門

如是諸菩薩各各說已問文殊師利何等是菩薩入不二法門

文殊師利曰如我意者於一切法無言無說無示無識離諸問答是為入不二法門

於是文殊師利問維摩詰我等各自說已仁者當說何等是菩薩入不二法門

時維摩詰默然無言文殊師利歎曰善哉善哉乃至無有文字語言是真入不二法門

說是入不二法門品時於此眾中五千菩薩皆入不二法門得無生法忍

在 維摩經中卷 第三十二段

維摩詰經卷中

維摩詰所說經卷中

校勘記

一 底本，金藏廣勝寺本。

一 八四四頁中一行經名，寶、積、普、

南、徑、清、麗作「維摩詰所說經卷

中」。寶、南夾注為「一名不可思議

解脫」；積、普夾注為「一名不可

思議解脫」，卷下例同。

一 八四四頁中一行經名後之品名「文

殊師利問疾品第五」，寶、積、普、

南、徑、清、麗移至二行與三行之

間，卷下例同。

一 八四四頁中一〇行第九字「王」，
 麗作「王等」。

一 八四四頁下七行「病滅」，資、磧、
 普、南、徑、清作「得不病者」。

一 八四四頁下一四行第一一字「病」，
 資、磧、普、徑、清作「疾」。

一 八四五頁中一行「即是」，資、麗
 作「是即」。

一 八四五頁中二〇行第七字「當」，
 資、磧、普、南、徑、清、麗無。

一 八四五頁下三行第七字「離」，資無。

一 八四六頁中一行末字「降」，資、
 磧、普、南、徑、清作「降伏」。

一 八四六頁中一七行「而不」，磧、
 普、南、徑、清作「不畢竟」。

一 八四六頁中末行第一二字「聖」，
 磧、普、南、徑、清作「正」。

一 八四六頁下一七行第八字「求」，
 徑、清作「爲」。

一 八四七頁上一八行「仁者」，磧、普
 作「古仁者」。

一 八四七頁中三行第一一字「座」，

磧、普、南、徑、清作「之座」。

一 八四七頁中五行末字「悉」，資、
 磧、普、南、徑、清、麗作「悉皆」。

一 八四七頁下五行「不可住」，資、
 磧、普、南、徑、清作「不可」；麗作
 「住不」。

一 八四七頁下八行第二字「相」，普、
 徑作「性」。

一 八四七頁下一二行第五字「河」，
 資、磧、南、徑、清無。

一 八四七頁下一六行第八字「演」，
 麗作「延」。

一 八四七頁下二二行第三字「一」，
 磧、普、南、徑、清作「一切」。

一 八四八頁上一四行第七字「王」，
 資、磧、普、南、徑、清作「聖王」。

一 八四八頁中八行第八字「是」，資、
 磧、普、南、徑、清作「此」。

一 八四八頁中一二行第一二字「力」，
 磧、普、南、徑、清作「力故」。

一 八四八頁中二〇行第一一字「故」，
 資無。

一 八四八頁中二〇行第一二字「現」，
 普、徑無。

一 八四八頁下一四行第五字「定」，
 資、磧、普、南、徑、清、麗作「盡定」。

一 八四八頁下一五行第六字「人」，
 麗作「人起」。

一 八四九頁中一五行第一二字「大」，
 南、徑、清作「天」。

一 八四九頁中一九行第九字「天」，
 麗作「天女」。

一 八四九頁下四行第九字「便」，資、
 磧、普、南、徑、清、麗作「便也」。

一 八四九頁下二二行第一三字「即」，
 資、磧、普、南、徑、清作「則」。

一 八五〇頁中一〇行第一三字「誰」，
 磧、普、南、徑、清作「唯」。

一 八五〇頁下一九行「今得」，資、
 磧、普、南、徑、清、麗無。

一 八五一頁上一二行第一一字「佛」，
 資、磧、普、南、徑、清作「諸佛」。

一 八五一頁中四行第一二字「性」，
 麗作「姓」。

- 一 八五一頁下一四行第一〇字「今」，
〔徑〕作「令」。
- 一 八五二頁中二二行第一〇字「道」，
〔資〕、〔磧〕、〔普〕、〔南〕、〔徑〕、〔清〕作「智」。
- 一 八五二頁下二行「爲現」，〔資〕作「現
爲」。
- 一 八五二頁下一〇行第一三字「量」，
〔資〕、〔磧〕、〔普〕、〔南〕、〔徑〕、〔清〕作「數」。
- 一 八五二頁下一六行首字「會」，〔資〕
作「舍」。
- 一 八五三頁上五行第五字「則」，〔磧〕、
〔普〕、〔南〕、〔徑〕、〔清〕作「即」。
- 一 八五三頁中五行第二字「意」，〔資〕
作「慧」。
- 一 八五三頁中六行第一二字「生」，
〔資〕、〔磧〕、〔南〕、〔徑〕、〔清〕作「然」。
- 一 八五四頁中四行第一三字「住」，
〔徑〕作「位」。
- 一 八五四頁中二二行第八字「品」，
〔資〕無。



維摩詰經香積佛品第十卷下

後秦龜茲國三藏法師羅什奉 詔譯

於是舍利弗心念日時欲至此諸菩薩當於何食時維摩詰知其意而語言佛說八解脫仁者受行豈難欲食而聞法乎若欲食者且待須臾當令汝得未曾有食時維摩詰即入三昧以神通力示諸大眾上方界分過四十二恒河沙佛土有國名眾香佛号香積今現在其國香氣比於十方諸佛世界人天之香最為第一彼土無有聲聞辟支佛名唯有清淨大菩薩眾佛為說法其界一切皆以香作樓閣經行香地苑園皆香其食香氣周流十方無量世界時彼佛與諸菩薩方共坐食有諸天子皆号香嚴悉發阿耨多羅三藐三菩提心供養彼佛及諸菩薩此諸大眾莫不目見時維摩詰問眾菩薩言誰能致彼佛飯以文殊師利威神力故咸皆默然維摩詰言仁此大眾無乃可恥文殊師利曰如佛所言勿輕未學於是維

維摩詰經下卷 第十卷

摩詰不起于座居眾會前化作菩薩相好光明威德殊勝蔽於眾會而告之曰汝往上方界分度如四十二恒河沙佛土有國名眾香佛号香積與諸菩薩方共坐食汝往到彼如我聲曰維摩詰稽首世尊足下致敬無量問訊起居少病少惱氣力安不願得世尊所食之餘當於娑婆世界施作佛事今此樂小法者得弘大道亦使如來名聲普聞時化菩薩即於會前昇于上方舉眾皆見其去到眾香界礼彼佛足又聞其言維摩詰稽首世尊足下致敬無量問訊起居少病少惱氣力安不願得世尊所食之餘欲於娑婆世界施作佛事使此樂小法者得弘大道亦使如來名聲普聞彼諸大士見化菩薩歎未曾有今此人從何所來娑婆世界為在何許云何名為樂小法者即以問佛佛告之曰下方度如四十二恒河沙佛土有世界名娑婆佛号釋迦牟尼今現在於五濁惡世為樂小法眾生敷演道教彼有菩薩名維摩詰住不可思議

維摩經下卷 第三十四

解脫為諸菩薩說法故遣化來稱揚
 我名并讚此土令彼菩薩增益功德
 彼菩薩言其人何如乃作是化德力
 無畏神足若斯佛言甚大一切十方
 皆遣化往施作佛事燒香散花於是
 香積如來以眾香鉢盛滿香飯與化
 菩薩時彼九百萬菩薩俱發聲言我
 欲詣娑婆世界供養釋迦牟尼佛并
 欲見維摩詰等諸菩薩眾佛言可往
 攝汝身香無令彼諸眾生起惑著心
 又當捨汝本形勿使彼國求菩薩者
 而自鄙恥又汝於彼其懷輕賤而作
 礙想所以者何十方國土皆如虛空
 又諸佛為欲化諸樂小法者不盡現
 其清淨土耳時化菩薩既受鉢飯與
 彼九百萬菩薩俱承佛威神及維摩
 詰力於彼世界忽然不現須臾之間
 至維摩詰舍時維摩詰即化作九百
 萬師子之座嚴好如前諸菩薩皆坐
 其上化菩薩以滿鉢香飯與維摩詰
 飯香普熏毗耶離城及三千大千世
 界時毗耶離婆羅門居士等聞是香
 氣身意快然歎未曾有於是長者主

維摩經下卷 第四十四

月蓋徃八万四千人來入維摩詰舍
 見其室中菩薩甚多諸師子座高廣
 嚴好皆大歡喜禮眾菩薩及大弟子
 却住一面諸地神虛空神及欲色界
 諸天聞此香氣亦皆來入維摩詰舍
 時維摩詰語舍利弗等諸大聲聞仁
 者可食如來甘露味飯大悲所熏無
 以限意食之使不消也有異聲聞念
 是飯少而此大衆人人當食化菩薩
 曰勿以聲聞小德小智稱量如來無
 量福慧四海有竭此飯無盡使一切
 人食揣若須弥乃至一劫猶不能盡
 所以者何無盡戒定智慧解脫解脫
 知見功德具足者所食之餘終不可
 盡於是鉢飯悉飽來會猶故不賜其
 諸菩薩聲聞天人食此飯者身安快
 樂譬如一切樂莊嚴國諸菩薩也又
 諸毛孔皆出妙香亦如眾香國土諸
 樹之香今時維摩詰問眾香菩薩香
 積如來以何說法彼菩薩曰我土如
 來無文字說但以眾香令諸天人得
 入律行菩薩各各坐香樹下聞斯妙
 香即獲一切德藏三昧得是三昧者

維摩經下卷 第五十四

菩薩所有功德皆悉具足彼諸菩薩
 問維摩詰今世尊釋迦牟尼以何說
 法維摩詰言此土眾生剛強難化故
 佛為說剛強之語以調伏何等是剛強之言是地
 獄是畜生是餓鬼是諸難處是愚人
 生處是身邪行是身邪行報是口邪
 行是口邪行報是意邪行是意邪行
 報是煞生是煞生報是不與取是不
 與取報是那爛是那爛報是妄語是
 妄語報是兩舌是兩舌報是惡口是
 惡口報是無義語是無義語報是貪
 嫉是貪嫉報是瞋恚是瞋恚報是邪
 見是邪見報是慳慳是慳慳報是毀
 戒是毀戒報是瞋恚是瞋恚報是懈
 怠是懈怠報是亂意是亂意報是愚
 癡是愚癡報是結戒是結戒是犯戒
 是應作是不應作是障礙是不障礙
 是得罪是離罪是淨是垢是有漏是
 無漏是邪道是正道是有為是無為
 是世間是涅槃以難化之人心如猿
 猴故以若干種法制御其心乃可調
 伏譬如為馬隴悞不調加諸楚毒乃
 至徹骨然後調伏如是剛強難化眾

生故以一切苦切之言乃可入律彼諸菩薩聞說是已皆曰未曾有也如世尊釋迦牟尼佛隱其無量自在之力乃以貧所樂法度脫眾生斯諸菩薩亦能勞謙以無量大悲生是佛土維摩詰言此土菩薩於諸眾生大悲堅固誠如所言然其一世饒益眾生多於彼國百千劫行所以者何此娑婆世界有十事善法諸餘淨土之所無有何等為十以布施攝貧窮以淨戒攝毀禁以忍辱攝瞋恚以精進攝懈怠以禪定攝亂意以智慧攝愚癡說除難法度八難者以大乘法度樂小乘者以諸善根濟無德者常以四攝成就眾生是為十彼菩薩曰菩薩成就幾法於此世界行無瘡疣生于淨土維摩詰言菩薩成就八法於此世界行無瘡疣生于淨土何等為八饒益眾生而不望報代一切眾生受諸苦惱所作功德盡以施之等心眾生謙下無礙於諸菩薩視之如佛所未聞經聞之不疑不與聲聞而相違背不嫉彼供不高已利而於其中調伏

其心常省已過不訟彼短恒以一心求諸功德是為八維摩詰文殊師利於大眾中說是法時百千天人皆發阿耨多羅三藐三菩提心十千菩薩得無生法忍
菩薩行品第十一
是時佛說法於菴羅樹園其地忽然廣博嚴事一切眾會皆作金色阿難白佛言世尊以何因緣有此瑞應是處忽然廣博嚴事一切眾會皆作金色佛告阿難是維摩詰文殊師利與諸大眾恭敬圍繞發意欲來故先為此瑞應於是維摩詰語文殊師利可共見佛與諸菩薩禮事供養文殊師利言善哉行矣今正是時維摩詰即以神力持諸大眾并師子座置於右掌往詣佛所到已著地稽首佛足右繞七匝一心合掌在一面立其諸菩薩即皆避座稽首佛足亦繞七匝於一面立諸大弟子釋梵四天王等亦皆避座稽首佛足在一面立於是世尊如法慰問諸菩薩已各令復坐即皆受教眾坐已定佛語舍利弗汝見

菩薩大士自在神力之所為乎唯然已見於汝意云何世尊我觀其為不可思議非意所圖非度所測今時阿難白佛言世尊今所問香自昔未有是為何香佛告阿難是彼菩薩毛孔之香於是舍利弗語阿難言我等毛孔亦出是香阿難言此所從來曰是長者維摩詰提摩香國取佛餘飯於舍食者一切毛孔皆香若此阿難問維摩詰是香氣住當久如維摩詰言至此飯消曰此飯久如當消曰此飯勢力至于七日然後乃消又阿難若聲聞人未入正位食此飯者得入正位然後乃消已入正位食此飯者得心解脫然後乃消若未發大乘意食此飯者至發意乃消已發意食此飯者得無生忍然後乃消已得無生忍食此飯者至一生補處然後乃消辟如有藥名曰上味其有服者身諸毒滅然後乃消此飯如是滅除一切諸煩惱毒然後乃消阿難白佛言未曾有也世尊如此香飯能作佛事佛言如是如是阿難或有佛土以佛光明

維摩經下卷 第九疏 在

而作佛事有以諸菩薩而作佛事有以佛所化人而作佛事有以菩提樹而作佛事有以佛衣服卧具而作佛事有以飯食而作佛事有以園林臺觀而作佛事有以三十二相八十隨形好而作佛事有以佛身而作佛事有以虛空而作佛事衆生應以此緣得入律行有以夢幻影響鏡中像水中月熱時炎如是等喻而作佛事有以音聲語言文字而作佛事或有清淨佛土寂寞無言無說無示無識無作無為而作佛事如是阿難諸佛威儀進止諸所施為無非佛事阿難有此四魔八万四千諸煩惱門而諸衆生為之疲勞諸佛即以此法而作佛事是名入一切諸佛法門菩薩入此門者若見一切淨好佛土不以為喜不貪不高若見一切不淨佛土不以為憂不礙不沒但於諸佛生清淨心歡喜恭敬未曾有也諸佛如來功德平等為化衆生故而現佛土不同阿難汝見諸佛國土地有若干而虛空無若干也如是見諸佛色身有若干

維摩經下卷 第十疏 在

耳其無礙慧無若干也阿難諸佛色身處相種性戒定智慧解脫解脫知見力無所畏不共之法大慈大悲威儀所行及其壽命說法教化成就衆生淨佛國土具諸佛法悉皆同等是故名為三藐三佛陀名為多陀阿伽度名為佛陀阿難若我廣說此三句義汝以劫壽不能盡受正使三千大千世界滿中衆生皆如阿難多聞第一得念捺持此諸人等以劫之壽亦不能受如是阿難諸佛阿耨多羅三藐三菩提無有限量智慧辯才不可思議阿難白佛言我從今已往不敢自謂以為多聞佛告阿難勿起退意所以者何我說汝於聲聞中為最多聞非謂菩薩且止阿難其有智者不應限度諸菩薩也一切海洲尚可測量菩薩禪定智慧慧慧持辯才一切功德不可量也阿難汝等捨置菩薩所行是維摩詰一時所現神通之力一切聲聞辟支佛於百千劫盡力變化所不能作今時衆香世界菩薩來者合掌白佛言世尊我等初見此土生

維摩經下卷 第十一疏 在

下劣想今自悔責捨離是心所以者何諸佛方便不可思議為度衆生故隨其所應現佛國異唯然世尊願賜少法還於彼土當念如來佛告諸菩薩有盡無盡解脫法門汝等當學何謂為盡謂有為法何謂無盡謂無為法如菩薩者不盡有為不住無為何謂不盡有為謂不離大慈不捨大悲深發一切智心而不忽忘教化衆生終不厭倦於四攝法常念順行護持正法不惜軀命種種善根無有疲厭志常安住方便迴向求法不懈說法无怯勤供諸佛故入生死而無所畏於諸榮辱心無憂喜不輕未學敬學如佛墮煩惱者令發正念於遠離樂不以為貴不著已樂慶於彼樂在諸禪定如地獄想於生死中如園觀想見來求者為善師想捨諸所有具一切智想見毀戒人起救護想諸波羅蜜為父母想道品之法為眷屬想發行善根无有齊限以諸淨國嚴飾之事成已佛土行無限施具足相好除一切惡淨身口意生死無數劫意而

有勇聞佛无量德志而不倦以智慧
 劍破煩惱賊出陰界入荷負眾生永
 使解脫以大精進摧伏魔軍常求無
 念實相智慧行少欲知足而不捨世
 間法不壞威儀法而能隨俗起神通慧引
 導眾生得念慈持所聞不忘善別諸
 根斷眾生疑以樂說辯演法無專淨
 十善道受天人福修四無量開梵天
 道勸諸說法隨喜讚善得佛音聲身
 口意善得佛威儀深修善法所行轉
 勝以大乘教成菩薩僧心无放逸不
 失眾善行如此法故名菩薩不盡有
 為何謂菩薩不住無為謂修學空不
 以空為證修學无相無作不以无相
 无作為證修學無起不以無起為證
 觀於無常而不歇善本觀世間苦而
 不惡生死觀於無我而誨人不倦觀
 於寂滅而不永寂滅觀於遠離而身
 心修善觀無所歸而歸趣善法觀於
 無生而以生法荷負一切觀於无漏
 而不断諸漏觀無所行而以行法教
 化眾生觀於空无而不捨大悲觀正
 法位而不隨小乘觀諸法虛妄無空

無人無主無相本願未滿而不虛福
 德禪定智慧修如此法故名菩薩不
 住無為又具福德故不住無為具智
 慧故不盡有為大慈悲故不住無為
 滿本願故不盡有為集法樂故不住
 無為隨投藥故不盡有為知眾生病
 故不住無為滅眾生病故不盡有為
 諸正士菩薩以修此法不盡有為不
 住無為是有盡無盡解脫法門汝等
 當學今時彼諸菩薩聞說是法皆大
 歡喜以眾妙華若干種色若干種香
 散遍三千大千世界供養於佛及此
 經法并諸菩薩已稽首佛足歎未曾
 有言釋迦牟尼佛乃能於此善行方
 便言已忽然不現還到彼國
 見阿闍佛品第三

三界三垢已離順三脫門具足四無所
 明等不一相不異相不自相不他相
 非無相非取相不以此岸不彼岸不中
 流而化眾生觀於寂滅亦不永滅不
 此不彼不以此不以此不以此不以此
 不可以識識無時無明無名無相無
 阻無弱非淨非穢不在方又離方非
 有為非無為無示無說不施不慳不
 戒不犯不忍不恚不進不息不定不
 亂不智不愚不誠不欺不來不去不
 出不入一切言語道斷非福田非不
 福田非應供養非不應供養非取非
 捨非有相非無相同真際等法性不
 可稱不可量過諸稱量非大非小非
 見非聞非覺非知離眾結縛等諸智
 同眾生於諸法無分別一切無失無
 濁無惱無作無起無生无滅无障无礙
 憂無喜無厭無著無已有無當有之
 今有不可以一切言說分別顯示世尊
 如來身為若此作如是觀以斯觀者
 名為正觀若他觀者名為邪觀
 於時舍利弗問維摩詰汝於何沒而
 來生此維摩詰言汝所得法有沒生

維摩詰經下卷 第十五

乎舍利弗言無沒生也若諸法無沒
 生相云何問言汝於何沒而來生此
 於意云何辭如幻師幻作男女寧沒
 生耶舍利弗言無沒生也汝豈不聞
 佛說諸法如幻相乎答曰如是若一
 切法如幻相者云何問言汝於何沒
 而來生此舍利弗沒者為虛誑法敗
 壞之相生者為虛誑法相續之相善
 薩雖沒不盡善本雖生不長諸惡是
 時佛告舍利弗有國名妙喜佛号無
 動是維摩詰於彼國沒而來生此舍
 利弗言未曾有也世尊是人乃能捨
 清淨土而來樂此多愆害處維摩詰
 語舍利弗於意云何日光出時與冥
 台乎答曰不也日光出時即無眾冥
 維摩詰言夫日何故行闇浮提答曰
 欲以明照為之除冥維摩詰言菩薩
 如是雖生不淨佛土為化眾生不與
 愚闇而共合也但滅眾生煩惱闇耳
 是時大眾渴仰欲見妙喜世界無動
 如來及其菩薩聲聞之眾佛知一切
 眾會所念告維摩詰言善男子為此
 眾會現妙喜國無動如來及諸菩薩

維摩詰經下卷 第十六

聲聞之眾眾皆欲見於是維摩詰心
 念吾當不起于座接妙喜國鐵圍山
 川溪谷江河大海泉源須彌諸山及
 日月星宿天龍鬼神梵天等宮并諸
 菩薩聲聞之眾城邑聚落男女大小
 乃至無動如來及菩提樹諸妙蓮華
 嚴於十方作佛事者三道寶塔從閻
 浮提至忉利天以此寶塔諸天未下
 悉為禮敬無動如來聽受經法閻浮
 提人亦登其塔上昇忉利見彼諸天
 妙喜世界成就如是無量功德上至
 阿迦膩吒天下至水際以右手斷取
 如陶家輪入此世界猶持華鬘示一
 切眾作是念已入於三昧現神通力
 以其右手斷取妙喜世界置於此土
 彼得神通菩薩及聲聞眾并餘天人
 俱發聲言唯然世尊誰取我去願見
 救護無動佛言非我所為是維摩詰
 神力所作其餘未得神通者不覺不
 知已之所往妙喜世界雖入此土而不
 增減於是世界亦不迫隘如本無異
 今時釋迦牟尼佛告諸大眾汝等且
 觀妙喜世界無動如來其國嚴飾甚

維摩詰經下卷 第十七

薩行淨弟子清白皆曰唯然已見佛
 言若菩薩欲得如是清淨佛土當學
 無動如來所行之道現此妙喜國時
 娑婆世界十四部由他人發阿耨多
 羅三藐三菩提心皆願生於妙喜佛
 土釋迦牟尼佛即記之曰當生彼國時
 妙喜世界於此國土所應饒益其事
 訖已還復本處舉眾皆見佛告舍利
 弗汝見此妙喜世界及無動佛不唯
 然已見世尊願使一切眾生得清淨
 土如無動佛獲神通力如維摩詰世
 尊我等快得善利得見是人親近供
 養其諸眾生若今現在若佛滅後聞
 此經者亦得善利况復聞已信解受
 持讀誦解說如法修行若有手得是
 經典者便為已得法寶之藏若有讀
 誦解釋其義如說修行即為諸佛之
 所護念其有供養如是人者當知即
 為供養於佛其有書持此經卷者當
 知其室即有如來若聞是經能隨喜
 者斯人即為取一切智若能信解此
 經乃至一四句偈為他說者當知此
 人即是受阿耨多羅三藐三菩提記

法供養品第十三

在維摩經下卷 第十六

今時釋提桓因於大眾中白佛言世尊我雖從佛及文殊師利聞百千經未曾聞此不可思議自在神通決定實相經典如我解佛所說義趣若有衆生聞是經法信解受持讀誦之者必得是法不疑何況如說修行斯人即為開解應趣開諸善門常為諸佛之所護念降伏外學摧滅魔怨修治菩提安處道場履踐如來所行之跡世尊若有受持讀誦如說修行者我當與諸眷屬供養給事所在聚落城邑山林曠野有是經處我亦與諸眷屬聽受法故共到其所其未信者當令生信其已信者當為作護佛言善哉善哉天帝如汝所說吾助尔喜此經廣說過去未來現在諸佛不可思議阿耨多羅三藐三菩提是故天帝若善男子善女人受持讀誦供養是經者即為供養去來今佛天帝正使三千大千世界如來滿中辭如甘蔗竹筴稻麻藁林若有善男子善女人或一劫或減一劫恭敬尊重讚歎供

養奉諸所安至諸佛滅後以一一全身舍利起七寶塔縱廣一四天下高至梵天表刹莊嚴以一切華香瓔珞幢幡伎樂微妙第一若一劫若減一劫而供養之於天帝意云何其人植福寧為多不釋提桓因言多矣世尊彼之福德若以百千億劫說不能盡佛告天帝當知是善男子善女人聞是不可思議解脫經典信解受持讀誦修行福多於彼所以者何諸佛菩提皆從是生菩提之相不可限量以是因緣福不可量

佛告天帝過去無量阿僧祇劫時世有佛号曰藥王如來應供正遍知明行足善逝世間解無上士調御丈夫天人師佛世尊世界名大莊嚴劫曰莊嚴佛壽二十小劫其聲聞僧三十六億那由他菩薩僧有十二億天帝是時有轉輪聖王名曰寶蓋七寶具足主四天下王有千子端正勇健能伏怨敵尔時寶蓋與其眷屬供養藥王如來施諸所安至滿五劫過五劫已告其千子汝等亦當如我以深心

在維摩經下卷 第十七

維摩經下卷 第十八

供養於佛於是千子受父王命供養藥王如來復滿五劫一切施安其王一子名曰月蓋獨坐思惟寧有供養殊過此者以佛神力空中有天曰善男子法之供養勝諸供養即問何謂法之供養天曰汝可往問藥王如來當廣為汝說法之供養即時月蓋王子行詣藥王如來稽首佛足却住一面向佛言世尊諸供養中法供養勝云何為法供養佛言善男子法供養者諸佛所說深經一切世間難信難受微妙難見清淨無染非但分別思惟之所能得菩薩法藏所攝陀羅尼印印之至不退轉成就六度善分別義順菩提法衆經之上入大慈悲離衆魔事及諸邪見順因緣法無我無人無衆生無壽命空無相無作無起能令衆生坐於道場而轉法輪諸天龍神龍闍婆等所共歎譽能令衆生入佛法藏攝諸賢聖一切智慧說衆菩薩所行之道依於諸法實相之義明宜無常苦空無我寂滅之法能救一切毀禁衆生諸魔外道及貪著者

維摩經下卷 第五

維摩經下卷 第五

維摩經下卷 第五

能使怖畏諸佛賢聖所共稱歎背生死苦示涅槃樂十方三世諸佛所說若聞如是等經信解受持讀誦以方便力為諸眾生分別解說顯示分明守護法故是名法之供養又於諸法如說修行隨順十二因緣離諸邪見得無生忍決定無我無有眾生而於因緣果報無違無諍離諸我所依於義不依語依於智不依識依於義經不依不了義經依於法不依人隨順法相無所入無所歸無明畢竟滅故諸行亦畢竟滅乃至生畢竟滅故老死亦畢竟滅作如是觀十二因緣無有盡相不復起見是名取上法之供養佛告天帝王子月蓋從藥王佛聞如是法得柔順忍即解寶衣嚴身之具以供養佛白佛言世尊如來滅後我當行法供養守護正法願以威神加哀建立令我得降魔怨修菩薩行佛知其深心所念而記之曰汝於末後守護法城天帝時王子月蓋見法清淨聞佛授記以信出家修集善法精進不久得五神通逮菩薩道得陀羅

尼無斷辯才於佛滅後以其所得神通慧持辯才之力滿十小劫藥王如來所轉法輪隨而分布月蓋比丘以守護法勤行精進即於此身化百萬億人於阿耨多羅三藐三菩提立不退轉十四那由他人深發聲聞辟支佛心無量眾生得生天上天帝時王寶蓋豈異人乎今現得佛号寶炎如來其王千子即賢劫中千佛是也從迦羅鳩孫馱為始得佛取後如來号曰樓至月蓋比丘即我身是如是天帝當知此要以法供養於諸供養為上為取第一無比是故天帝當以法之供養供養於佛

囉累品第十四

於是佛告弥勒菩薩言弥勒我今以是無量億阿僧祇劫所集阿耨多羅三藐三菩提法付囑於汝如是輩經於佛滅後末世之中汝等當以神力廣宣流布於閻浮提無令斷絕所以者何未來世中當有善男子善女人及天龍鬼神乾闥婆羅刹等發阿耨多羅三藐三菩提心樂于大法若使

不聞如是等經則失善利如此輩人聞是等經必多信樂發希有心當以頂受隨諸眾生所應得利而為廣說弥勒當知菩薩有二相何謂為二者好於雜句文飾之事二者不畏深義如實能入若好雜句文飾事者當知是為新學菩薩若於如是無滌无著甚深經典無有恐畏能入其中聞已心淨受持讀誦如說修行當知是為久修道行弥勒復有二法名新學者不能決定於甚深法何等為二者所未聞深經聞之驚怖生疑不能隨順毀謗不信而作是言我初不聞從何所來二者若有護持解說如是深經者不肯親近供養恭敬或時於中說其過惡有此二法當知是新學菩薩為自毀傷不能於深法中調伏其心弥勒復有二法菩薩雖信解深法猶自毀傷而不能得無生法忍何等為二者輕慢新學菩薩而不教誨二者雖解深法而取相分別是為二法

弥勒菩薩問說是已白佛言世尊未

曾有也如佛所說我當遠離如斯之惡奉持如來無數阿僧祇劫所集阿耨多羅三藐三菩提法若未來世善男子善女人求大乘者當令手得如是等經與其念力使受持讀誦為他廣說世尊若後末世有能受持讀誦為他說者當知是弥勒神力之所建立佛言善哉善哉弥勒如汝所說佛助小喜

於是一切菩薩合掌白佛我等亦於如來滅後十方國土廣宣流布阿耨多羅三藐三菩提法復當開導諸說法者令得是經

尔時四天王白佛言世尊在在處處城邑聚落山林曠野有是經卷讀誦解說者我當率諸官屬為聽法故往詣其所擁護其人面百由旬令無伺求得其便者是時佛告阿難受持是經廣宣流布阿難言唯我已受持要者世尊當何名斯經佛言阿難是經名為維摩詰所說亦名不可思議解脫法門如是受持佛說是經已長者維摩詰文殊師利舍利弗阿難等及諸

天人阿修羅一切大眾聞佛所說皆大歡喜

維摩詰經卷下

維摩詰所說經卷下

校勘記

- 一 底本，金藏廣勝寺本。
- 一 八五七頁中六行第六字「欲」，石無。
- 一 八五七頁中一九行第七字「言」，石、資、磧、晉、南、徑、清無。
- 一 八五七頁中二一行「仁此」，石作「仁者此諸」。
- 一 八五七頁下四行末字「與」，石作「即與」。
- 一 八五七頁下二二行第四字「惡」，石無。

一 八五八頁上一八行第六字「時」，石無。

一 八五八頁上二〇行第二字「上」，資、磧、晉、南、徑、清作「上時」；麗作「上是」。

一 八五八頁中五行第一一字至六行首字「維摩詰舍時」，石無。

一 八五八頁中一三行第一三至一四「字」解脫，資作「無」。

一 八五八頁中一五行第一三字「賜」，資、磧、晉作「賜」；麗作「斲」。

一 八五八頁下四行「何等是剛強」，諸本無。

一 八五八頁下末行第二字「徹」，諸本作「徹」。

一 八五九頁中二行第七字「八」，資、磧、晉、南、徑、清、麗作「八法」。

一 八五九頁中一二行末字「為」，石作「現」。

一 八五九頁下二行第三字「於」，資、磧、晉、徑、清無。

一 八五九頁下末行「佛土以」，石無。

一 八六〇頁上二一行第四字「化」，**石**、**資**、**磧**、**普**、**南**、**徑**、**清**作「教化」。

一 八六〇頁中一三行第七字「言」，**石**無。

一 八六〇頁下一一行第五字「軀」，**磧**、**普**、**南**、**徑**、**清**作「身」。

一 八六〇頁下一五行第七字「令」，**資**作「今」。

一 八六〇頁下二〇行第八字「之」，**石**無。

一 八六〇頁下二二行「行無限」，**石**作「開門大」。

一 八六一頁上四行「少欲知足」，**麗**作「於世間法少欲知足於出世間求之無厭」。

一 八六一頁上五行第一字「間」，**資**、**磧**、**普**、**南**、**徑**、**清**無。

一 八六一頁上五行第七字「法」，**資**、**磧**、**南**、**徑**、**清**無。

一 八六一頁上一八行第七字「寂」，**麗**無。

一 八六一頁中九行第六字「有」，**資**、**磧**、**普**、**南**、**徑**、**清**作「得」。

磧、**普**、**南**、**徑**、**清**、**麗**無。

一 八六一頁下一行「具足」，**石**、**資**無。

一 八六一頁下一六行第九字「別」後，**南**有夾注「一切無得」。

一 八六一頁下一七行「無怖」，**資**、**磧**、**普**、**南**、**徑**、**清**、**麗**無。

一 八六一頁下一八行「無着」，**磧**、**普**、**南**、**徑**、**清**無。

一 八六二頁上七行末字至八行首字「敗壞」，**資**、**磧**、**普**、**南**、**徑**、**清**作「壞敗」。

一 八六二頁上一五行第一一字及八六三頁上二〇行第三字「即」，**石**、**資**、**磧**、**南**、**徑**、**清**作「則」。

一 八六二頁上一八行第一〇字「化」，**石**作「教化」。

一 八六二頁上一八行第一二字「生」，**麗**作「生故」。

一 八六二頁上二二行末字「此」，**資**作「大」。

一 八六二頁中一三字第一〇字「持」，**磧**、**普**、**南**、**徑**、**清**作「得」。

一 八六二頁中一六行第一二字「餘」，**石**作「諸」。

一 八六二頁下一五行第五字「說」，**資**、**普**、**南**、**徑**作「脫」。

一 八六二頁下二一行第六字「取」，**資**、**磧**、**普**、**南**、**徑**、**清**作「趣」。

一 八六三頁上四行第四字「此」，**石**作「是」。

一 七六三頁上五行首字「實」，**石**作「寶」。

一 八六三頁上六行第四字及同頁中一行第四字「是」，**資**、**磧**、**普**、**南**、**徑**、**清**作「此」。

一 八六三頁上一〇行「菩提」，**石**作「佛道」。

一 八六三頁上一六行第一二字「尔」，**資**作「汝」。

一 八六三頁上末行第二字「一」，**資**、**磧**、**普**、**南**、**徑**、**清**作「以一」。

一 八六三頁中五行「於天帝」，**磧**、**普**、**南**、**徑**、**清**作「天帝於」。

一 八六三頁中六行「多矣」，**南**、**徑**、**清**作「多矣」。

- 一 清作「甚多」。
- 一 八六三頁中一三行末字「世」，**磧**、**徑**、**清**作「此」。
- 一 八六三頁下一〇行「爲法」，**資**、**磧**、**普**、**南**、**徑**、**清**作「名爲法之」。
- 一 八六三頁下一六行末字至一七行首字「無人」，**石**無。
- 一 八六三頁下二二行「之法」，**資**、**磧**、**普**、**徑**、**清**無。
- 一 八六四頁上五行「守護」，**石**作「護持」。
- 一 八六四頁上七行「無我」，**石**無。
- 一 八六四頁上一九行第七字「降」，**資**、**磧**、**普**、**南**、**徑**、**清**作「降伏」。
- 一 八六四頁上二二行第一字「集」，**資**、**磧**、**普**、**南**、**徑**、**清**作「習」。
- 一 八六四頁上末行第八字「逮」，**石**作「行」；**磧**、**普**、**南**、**徑**、**清**作「具」。
- 一 八六四頁下一六行「知是」，**石**、**資**作「是爲」，**麗**作「知是爲」。
- 一 八六四頁下二一行第五字「解」，**磧**、**普**、**南**、**徑**、**清**作「信解」。

- 一 八六五頁上七行第二字「他」，**資**作「他人」。
- 一 八六五頁上一二行第八字「法」，**資**無。
- 一 八六五頁中二行第三字「喜」，**資**作「喜作禮而去」；**磧**、**普**、**南**、**徑**、**清**作「喜信受奉行」。